

史記

五十之七世

			五〇〇	漢書門
三	四	一	七	
册	架	函	號	類

庫文閣內			
二七九	五〇〇		漢
函	三二	七	書
四	册	號	類

內閣文庫		
番號	漢	5007
冊數	32 ( 20 )	
函號	279	12




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM, Kodak





楚元王世家第二十一

史記五十一

楚元王劉交者高祖之同母少弟也。字游。正義曰：年表云：都心城。

索隱曰：漢書作同父。言下父以明異母也。高祖兄弟四人，長兄伯，伯蚤卒。始

高祖微時，嘗辟事時時，與賓客過巨嫂食。徐廣曰：漢書云：巨嫂也。

索隱曰：應劭云：巨姓也。孟康云：巨空也。兄嫂厭叔叔與亡空有嫂也。今此作巨，巨大也。謂長嫂也。嫂厭叔叔與

客來，嫂詳為羹，盡櫟釜。索隱曰：櫟音歷，謂以杓歷釜旁，使為聲。漢書作轄音勞。賓

客以故去。已而視釜中，尚有羹。高祖由此怨其嫂。及高

祖為帝，封昆弟，而伯子獨不得封。太上皇以為言。高祖

曰：其非忘封之也。為其母不長者耳。於是乃封其子信。

史記卷五十一 王莽傳

為羹頡侯

徐廣曰羹頡侯以高祖七年封封十三年高

羹頡爵號非縣名以其櫟釜改也。正義曰括地志云羹頡山在媯州懷戎縣東南十五里按高祖取其山名

為侯號者而王次兄仲於代。徐廣曰次兄名喜字仲以

謚項王有子曰鼻。高祖六年已禽楚王韓信於陳乃以弟交為

楚王都彭城。索隱曰漢書云楚王王薛郡東海彭城三十六郡也。即位二十三年

卒。子夷王郢立。索隱曰漢書名郢客也。夷王四年卒。子王戊立。王

戊立二十年冬坐為薄太后服私姦削東海郡。索隱曰

私姦服舍中姚察云對於服舍非必宮中又按春戊與

集註服虔云私姦中人以罪重故至削郡也。吳王合謀反其相張尚太傅趙夷吾諫不聽戊則殺尚

夷吾起兵與吳西攻梁破棘壁

正義曰括地志云大棘故城在宋州寧陵縣西

七十里州即梁棘壁至昌邑南

正義曰括地志云有梁丘故城在曹州成武縣東北三十二里也

與漢將周亞夫戰漢絕吳楚糧道士卒飢吳王走楚王

戊自殺軍遂降漢已平吳楚孝景帝欲以德侯子續

吳徐廣曰德侯名廣吳王濞之弟也其父曰仲以元王子禮續楚竇太后曰

吳王老人也直為宗室順善今乃首率七國紛亂天下

奈何續其後不許吳許立楚後是時禮為漢宗正乃拜

禮為楚王奉元王宇廟是為楚文王文王立三年卒子

安王道立安王二十二年卒子襄王經立襄王立十四

王彥教

年卒。子王純代立。王純立。地節二年中。人上書告楚王

謀反。王自殺。國除。入漢為彭城郡。徐廣曰純立十七年卒。蓋節三子延壽立

十九年死。索隱曰太史公唯記王純為國人告反國除。蓋延壽後更封至十九年。乃謀反。誅死。故不同也。

正義曰漢書云王純嗣十六年。子延壽嗣。與趙何齊謀反。延壽自殺。立三十二年。國除。與此不同。地節是宣帝

年號。去天漢四年。二十九年。乃隔昭帝世。言創地節二年以下者。蓋褚先生誤也。

趙王劉遂者。其父高祖中子。正義曰年表云都邯鄲。名友。謚曰幽。

幽王以憂死。故為幽。高后王呂祿於趙一歲而高后崩。

大臣誅諸呂。呂祿等乃立幽王子遂為趙王。孝文帝即

位二年。立遂弟辟彊。取趙之河間郡為河間王。以為文

王。正義曰河間今瀛州也。立十三年卒。子哀王福立。一年卒。無子

絕後。國除。入于漢。遂既王趙二十六年。孝景帝時。坐晁

錯以適。削趙王常山之郡。吳楚反。趙王遂與合謀起兵。

其相建德。內史王悍。諫不聽。索隱曰建德其相名史失姓也。遂燒殺

建德王悍。發兵屯其西界。欲待吳與俱西。比使匈奴與

連和攻漢。漢使曲周侯酈寄擊之。趙王遂還城守邯鄲。

相距七月。吳楚敗於梁。不能西。匈奴聞之。亦止不肯入

漢邊。欒布自破齊還。乃并兵引水灌趙城。趙城壞。趙王

自殺。邯鄲遂降。正義曰邯鄲洛州縣也。趙幽王絕後。

史記卷之...

世家...

元標

太史公曰。國之將興必有禎祥。君子用而小人退。國之

將亡。賢人隱。亂臣貴。使楚王戊毋刑申公。遵其言。索隱曰。漢

書申公名培。王戊胥靡之。趙任防與先生。趙堯傳曰。趙人防與公也。索隱曰。此反漢書雖不見。

趙不用防與公。蓋當時猶知事迹。或別有所見。故太史公引以結其贊。豈有篡殺之謀。為

天下僂哉。賢人乎。賢人乎。非賢有其內。惡能用之哉。甚

矣。安危在出令。存亡在所任。誠哉是言也。

索隱述贊曰

漢封同姓 楚有令名 既滅韓信

王失彭城 穆生致醴 韋子作程

王戊棄德 與吳連兵 太后命禮

為楚罪輕 文襄繼立 世挺才英

如何趙遂 代殞厥聲 興亡之兆

所任宜明

楚元王世家第二十終 史記五十

王太孫	與吳張兵	太子命
-----	------	-----

荆燕世家第二十一

史記五十一

荆王劉賈諸劉者不知其何屬

正義曰年表云都吳也漢書賈高帝從父兄

初起時漢王元年還定三秦劉賈為將軍定塞地

曰即索隱

桃林之塞從東擊項籍漢四年漢王之敗成臯北渡河得張

耳韓信軍軍脩武深溝高壘使劉賈將二萬人騎數百

渡白馬津入楚地

正義曰括地志云黎陽一名白馬津在滑州白馬縣北三十里按賈從此

津南過入楚地也

燒其積聚以破其業無以給項王軍食也而

楚兵擊劉賈賈輒壁不肯與戰而與彭越相保漢五年

漢王追項籍至固陵

徐廣曰在陽夏正義曰括地志云固陵名在陳州宛丘縣西北四

十二 使劉賈南度淮。壽春正義曰今壽州壽春縣是也還至使人

閒招楚大司馬周殷。周殷反楚。佐劉賈舉九江迎武王

黥布兵。皆會垓下。共擊項籍。漢王因使劉賈將九江兵

與太尉盧綰西擊臨江王共尉索隱曰共尉之工共尉已死

以臨江為南郡正義曰今荆州也漢六年春。會諸侯於陳正義曰今

陳州廢楚王信囚之。分其地為二國。當是時也。高祖子

幼。昆弟少。又不賢。欲王同姓以鎮天下。乃詔曰。將軍劉

賈有功。及擇子弟可以為王者。羣臣皆曰。立劉賈為荆

王。王淮東五十二城索隱曰表云劉賈都吳又漢書以東陽郡封賈東陽即臨淮故云王

淮東高祖弟交為楚王。王淮西三十六城正義曰淮以西徐泗濠等州也

因立子肥為齊王。始王昆弟劉氏也。高祖十一年秋。淮

南王黥布反。東擊荊。荊王賈與戰不勝。走富陵索隱曰地理志

縣名屬臨淮。正義曰括地志云富陵故城在楚州盱眙縣東北六十里為布軍所殺。高祖

自擊破布。十二年。立沛侯劉濞為吳王。王故荆地

燕王劉澤者。諸劉遠屬也。漢書澤高祖從祖昆弟。索隱曰楚漢春秋田子春說張

卿云劉澤宗家也。按言宗家似疎遠矣。然則班固言從祖昆弟當別有所見高帝三年。澤為

郎中。高帝十一年。澤以將軍擊陳豨。得王黃。為營陵侯。

索隱曰地理志縣名在北海。正義曰括地志云營陵故城在青州北海縣南三十里高后時。齊

人田生游之資。以畫干營陵侯澤。晉灼曰楚漢春秋田子春服虔曰以計畫

干之也文穎曰澤大說之用金二百斤為田生壽田生

已得金。即歸齊。二年。澤使人謂田生曰。弗與矣。孟康曰與黨與

言不復與我為與也文穎曰不得與汝相知田生如長安。不見澤。而假大宅。

令其子求事呂后。所幸大謁者張子卿。徐廣曰名澤。綏案如淳曰闕人也

居數月。田生子請張卿臨。親脩具。張卿許往。田生盛

帷帳共具。譬如列侯。張卿驚。酒酣。乃屏人說張卿曰。臣

觀諸侯邸第百餘。皆高祖一切功臣。索隱曰此一切

呂氏雅故。本推轂高帝。統天下。如淳曰呂公知高祖相貴以女妻之推轂

使為長者。曰謂諸呂共推轂高祖。征伐我帝業。唯三音也。索隱曰雅訓素也。謂呂氏素心奉推高祖取天

下若人推轂欲前進。塗然也。推音昌。誰反。功至大。又親戚太后之重。太后春

秋長。諸呂弱。太后欲立呂產為呂王。王代。太后又重發

之。又穎曰欲發之恐大臣不聽。鄧展曰重難發事。恐大臣不聽。今卿最幸。大臣

所敬。何不風大臣以聞太后。太后必喜。諸呂已三萬戶

侯。亦卿之有。正義曰高后紀云封張卿為建陵侯。太后心欲之。而卿為內

臣。不急發。恐禍及身矣。張卿大然之。乃風大臣語太后。

太后朝。因問大臣。大臣請立呂產為呂王。太后賜張卿

一斤金。張卿以其半與田生。田生弗受。因說之曰。呂產

史記卷之第五十一 世家三十一 四百九十六



史記卷之第... 七... 三... 余廷漢

王也。諸大臣未入服。今營陵侯澤。諸劉為大將軍。獨此

尚缺望。索隱曰：缺音決。又音窺睡反。今卿言太后列十餘縣王之。彼

得王喜去。諸呂王益固矣。張卿入言太后然之。乃以營

陵侯劉澤為琅邪王。琅邪王乃與田生之國。田生勸澤

急行毋留。出關。太后果使人追止之。已出即還。及太后

崩。琅邪王澤乃曰：帝少，諸呂用事，劉氏孤弱，乃引兵與

齊王合謀。西。漢書音義曰：澤至齊為齊王所劫，不得去。

齊合謀也。○索隱曰：漢書齊王傳云：使祝午劫琅邪王。

至齊因留琅邪王不得反。國澤乃說求入關齊，乃送之。

與此文不同者，劉氏以為燕齊兩史各言其主。立切之迹，太史公問疑，遂各記之。則所謂實錄，欲誅諸

呂。至梁。聞漢遣灌將軍屯滎陽。澤還兵備西界。遂馳驅

至長安。漢書音義曰：馳驅馳至長安也。代王亦從代至。諸將相與琅邪

王共立代王為天子。天子乃徙澤為燕王。乃復以琅邪

王復故地。李奇曰：本齊地。分以澤王。燕二年薨，謚為

敬王。傳子嘉為康王。至孫定國與父康王姬姁生子男

一人，奪弟妻為姬。與子女三人姁。定國有所欲，誅殺臣

肥如令郢人。如淳曰：定國自欲有所殺，餘三肥如令郢人。

名令郢人以告定國也。小類以為定國欲有所誅殺，餘

臣而肥如令郢人乃告定國也。按地理志：肥如在遼西

郢人等告定國。定國使謁者以他法劾捕格殺郢人以

史記卷之第... 七... 三... 四七

滅口。至元朔元年。郢人昆弟復上書具言定國陰事。以此發覺。詔下。公卿皆議曰。定國禽獸行。亂人倫。逆天當誅。上許之。定國自殺。國除為郡。

太史公曰。荆王。王也。由漢初定天下未集。故劉賈雖屬

疎。然以策為王。填江淮之間。劉澤之王。權激呂氏。索隱曰。謂

田子春欲王劉澤。先使張卿說封呂產。乃恐。然劉澤卒。以大。臣。朕。望。澤。卒。得。王。故。為。權。激。諸。呂。也。

南面稱孤者三世。事發相重。豈不為偉乎。晉灼曰。澤以

事。張。卿。張。卿。言。之。呂。而。劉。澤。得。王。故。曰。事。發。相。重。以。事。事。起。於。相。重。也。○。索。隱。曰。謂。先。發。呂。氏。令。重。而。我。上。得。其。功。是。事。發。相。重。也。偉。盛。也。蓋。盛。其。能。激。發。也。

索隱述贊曰

劉賈初從

首定三秦

既渡白馬

遂圍壽春

始迎黥布

絕開周殷

賞功胙土

與楚為隣

營陵始爵

勲由擊陳

田生遊說

受賜千斤

權激諸呂

事發策身

徙封傳嗣

亡於郢人

荆燕世家第二十一終

史記五十一

齊悼惠王世家第二十二

史記五十二

齊悼惠王劉肥者高祖長庶男也

正義曰年表云都臨淄

其母外

婦也曰曹氏高祖六年立肥為齊王食七十城諸民能

齊言者皆予齊王

索隱曰謂其語音及名物異於楚魏云此時人多流亡故使齊言者皆

還齊

齊王孝惠帝兄也孝惠帝二年齊王入朝惠帝與

齊王燕飲亢禮如家人

索隱曰謂齊王是兄不為君臣禮而乃自亢敵如家人行兄弟

之禮故

太后怒呂太后怒且誅齊王齊王懼不得脫乃用其內

史勲計獻城陽郡以為魯元公主湯沐邑

正義曰括地志云濮州雷

澤縣本漢城陽縣按後為郡也

呂太后喜乃得辭就國悼惠王即位十

三年。以惠帝六年卒。子襄立。是為哀王。哀王元年。孝惠

帝崩。呂太后稱制。天下事皆決於高后。二年。高后立其

兄子酈侯呂台為呂王。徐廣曰酈一作酈。索隱曰二

在南陽台音昭。呂后兄子。正義曰按酈音早。益反。括

地志云故酈城在郟州新城縣西北四十里。蓋此縣是

也。割齊之濟南郡為呂王奉邑。正義曰括地志云濟南

北三十里。哀王三年。其弟章入宿衛於漢。呂太后封為朱

虛侯。索隱曰地理志縣名屬琅邪。以呂祿女妻之。後四年。封章弟興

居為東牟侯。索隱曰地理志縣名屬東萊。皆宿衛長安中。哀王八年。

高后害齊琅邪郡。正義曰今立營陵侯劉澤為琅邪王。

其明年。趙王友入朝。幽死于邸。三趙王皆廢。高后立諸

呂為三王。徐廣曰燕趙梁擅權用事。朱虛侯年二十。有氣力。忿

劉氏不得熾嘗。入侍高后。燕飲。高后令朱虛侯劉章為

酒吏。章自請曰。臣將種也。請得以軍法行酒。高后曰可。

酒酣。章進飲歌舞。已而曰。請為太后言耕田歌。高后兒

子畜之。笑曰。顧而父知田耳。若生而為王子。安知田乎。

索隱曰顧猶念也。而及若皆訓汝。章曰。臣知之。太后曰。試為我言田章

曰。深耕耨種。立苗欲疏。非其種者。鋤而去之。呂后默然。

頃之。諸呂有一人醉亡酒。章追拔劍斬之。而還報曰。有

亡酒一人。臣謹行法斬之。太后左右皆大驚。業已許其軍法。無以罪也。因罷。自是之後。諸呂憚朱虛侯。雖大臣皆依朱虛侯。劉氏為益疆。其明年。高后崩。趙王呂祿為上將軍。呂王產為相國。皆居長安中。聚兵以威大臣。欲為亂。朱虛侯章以呂祿女為婦。知其謀。乃使人陰出告其兄齊王。欲令發兵西。朱虛侯東牟侯為內應。以誅諸呂。因立齊王為帝。齊王既聞此計。乃與其舅父駟鈞。郎中令祝午。中尉魏勃。陰謀發兵。索隱曰。舅謂舅父。猶姨稱姨母。齊相召平聞之。索隱曰。廣陵人。召平與東陵侯召平及此。召平嘗似別人也。功臣表平子。奴以父功封。黎侯也。

乃發卒衛王宮。魏勃給召平曰。王欲發兵。非有漢虎符。驗也。而相君圍王宮。勃請為君將兵衛衛王。召平信之。乃使魏勃將兵圍王宮。勃既將兵使圍相府。召平曰。嗟乎。道家之言。當斷不斷。反受其亂。乃是也。遂自殺於。是齊王以駟鈞為相。魏勃為將軍。祝午為內史。悉發國中兵。使祝午東詐琅邪王曰。呂氏作亂。齊王發兵欲西誅之。齊王自以兒子年少。不習兵革之事。願舉國委大王。大王自高帝將也。習戰事。齊王不敢離兵。索隱曰。服虔云。不敢離其兵。而到琅邪。使臣請大王幸之。臨菑見齊王計事。并將齊

王立教

兵以西平關中之亂。琅邪王信之以為然。西馳見齊王。齊王與魏勃等。因留琅邪王。而使祝午盡發琅邪國而并將其兵。琅邪王劉澤既見欺。不得反國。乃說齊王曰。齊悼惠王高皇帝長子。推本言之。而大王高皇帝適長孫也。當立。今諸大臣狐疑。未有所定。而澤於劉氏最為長年。大臣固待澤決計。今大王留臣無為也。不如使我入關計事。齊王以為然。乃益具車送琅邪王。琅邪王既行。齊遂舉兵西攻呂國之濟南。於是齊哀王遺諸侯王書曰。高帝平定天下。王諸子弟悼惠王於齊。悼惠王薨。

惠帝使留侯張良立臣為齊王。惠帝崩。高后用事。春秋

高聽諸呂擅廢高帝所立。又殺三趙王。正義曰。噫王如意幽。王友梁王

恢徙燕趙並高祖子也。滅梁燕趙。王恢徙趙分滅無後也。以王

諸呂分齊國為四。索隱曰。謂濟南琅邪城陽并濟南郡也。正義曰。琅邪郡封劉澤濟南郡

以為呂王奉邑。城陽為魯元公主湯沐邑也。忠臣進諫。上惑亂不聽。今高后

崩。皇帝春秋富。未能治天下。固恃大臣諸將。今諸呂又

擅自尊官聚兵。嚴威劫列。疾忠臣。矯制以令天下。宗廟

所以危。今寡人率兵入誅。不當為王者。漢聞齊發兵而

西。相國呂產乃遣大將軍灌嬰東擊之。灌嬰至滎陽。乃

王彥教

史記卷之五十七 世家三十七 四百三十七  
謀曰諸呂將兵居關中欲危劉氏而自立我今破齊還報是益呂氏資也乃留兵巴榮陽使使喻齊王及諸侯與連和以待呂氏之變而共誅之齊王聞之乃西取其故濟南郡亦屯兵於齊西界以待約呂祿呂產欲作亂關中朱虛侯與太尉勃丞相平等誅之朱虛侯首先斬呂產於是太尉勃等乃得盡誅諸呂而琅邪王亦從齊至長安大臣議欲立齊王而琅邪王及大臣曰齊王母家駟鈞惡戾虎而冠者也張晏曰言鈞惡戾如虎而著冠方以呂氏故幾亂天下今又立齊王是欲復為呂氏也代王母家薄

氏君子長者且代王又親高帝子於今見在且最為長以子則順以善人則大臣安於是大臣乃謀迎立代王而遣朱虛侯以誅呂氏事告齊王令罷兵灌嬰在榮陽聞魏勃木教齊王反既誅呂氏罷齊兵使使召責問魏勃勃曰失火之家豈暇先言大人而後救火乎索隱曰此蓋舊俗之言謂救火之急不暇先啓家長也亦猶國家有難不暇待詔命也因退立股戰而栗恐不能言者終無他語灌將軍熟視笑曰人謂魏勃勇妄庸人耳索隱曰妄庸言兀妄庸劣之人何能為乎乃罷魏勃索隱曰罷謂不罪而放魏勃父以善鼓琴見秦皇帝及魏勃少時欲求遺之

史記卷之五十七 世家三十七 四百三十七 余七

見齊相曹參家貧無以自通乃常獨早夜掃齊相舍人門外相舍人怪之以爲物而伺之索隱曰姚氏云物怪物得勃勃曰願見相君無因故爲子掃欲以求見於是舍人見勃曹參因以爲舍人一爲參御言事參以爲賢言之齊悼惠王悼惠王召見則拜爲內史始悼惠王得自置二千石及悼惠王卒而哀王立勃用事重於齊相王既罷兵歸而代王來立是爲孝文帝孝文帝元年盡以高后時所割齊之城陽琅邪濟南郡復與齊而徙琅邪王王燕益封朱虛侯東牟侯各二千戶是歲齊哀王卒太子側

立是爲文王齊文王元年漢以齊之城陽郡立朱虛侯

爲城陽王以齊濟北郡

正義曰今濟州濟北王所都

立東牟侯爲濟

北王二年濟北王反漢誅殺之地入于漢後二年孝文

帝盡封齊悼惠王子罷軍等七人皆爲列侯

正義曰齊罷音不齊

文王立十四年卒無子國除地入于漢後一歲孝文帝

以所封悼惠王子分齊爲王齊孝王將閭以悼惠王子

揚虛侯爲齊王故齊別郡盡以王悼惠王子子志爲濟

北王子辟光爲濟南王子賢爲菑川王子卬爲膠西王

子雄渠爲膠東王與城陽齊凡七王

索隱曰謂將閭爲齊王志爲濟北王



印膠西王辟光濟南王賢菑川王章城陽王雄渠為膠東王齊孝王十一年吳王濞

楚王戊反與兵西告諸侯曰將誅漢賊臣鼂錯以安宗

廟膠西膠東菑川濟南皆擅發兵與楚欲與齊齊孝

王狐疑城守不聽三國兵共圍齊張晏曰膠西菑川濟南也齊王使

路中大夫告於天子張晏曰姓路為中大夫○索隱曰史失名故言姓及官顧氏按路氏

諸中大夫名印也印王與及天子復令路中大夫還告齊王善堅守

吾兵今破吳楚矣路中大夫至三國兵圍臨菑數重無

從入三國將劫與路中大夫盟曰若反言漢已破矣齊

趣下二國不且見屠路中大夫既許之至城下望見齊

王曰漢已發兵百萬使太尉周亞夫擊破吳楚方引兵

救齊齊必堅守無下三國將誅路中大夫齊初圍急陰

與二國通謀約未定會聞路中大夫從漢來喜及其大

臣乃復勸王毋下二國居無何漢將繚布平陽侯等兵

至齊索隱曰平陽侯按表是簡侯曹奇擊破三國兵解齊圍已而復聞

齊初與三國有謀將欲移兵伐齊齊孝王懼乃飲藥自

殺景帝聞之以為齊首善以迫劫有謀非其罪也乃立

孝王太子壽為齊王是為懿王續齊後而膠西膠東濟

南菑川王咸誅滅地入于漢徙濟北王王菑川齊懿王

立二十二年卒。子次景立。是為厲王。齊厲王其母曰紀

太后。太后取其弟紀氏女為厲王后。王不愛紀氏女。太

后欲其家重寵。索隱曰：重直寵，反謂欲世寵貴於王也。令其長女紀翁主

入王宮。索隱曰：如淳云：諸王女云翁主，稱其母姓，故謂之紀公主。正其後宮，毋令得

近王。欲令愛紀氏女。王因與其姊翁主，齊有宦者徐

甲入事漢皇太后。索隱曰：謂王太后武帝母也。皇太后有愛女曰脩

成君，脩成君非劉氏。張晏曰：王太后前嫁金氏所生。太后憐之，脩成君

有女名娥。太后欲嫁之於諸侯。宦者甲乃請使齊，必令

王上書請娥。皇太后喜，使甲之齊。是時齊人主父偃知

甲之使齊以取后事，亦因謂甲即事成，幸言偃女，願得

充王後宮。甲既至齊，風以此事。紀太后大怒曰：王有后，

後宮具備，且甲齊貧人，急。徐廣曰：一作及。乃為宦者入事漢，無

補益，乃欲亂吾王家。且主父偃何為者？乃欲以女充後

宮。徐甲大窮，還報皇太后曰：王已願尚娥，然有一害，恐

如燕王、燕王者，與其子昆弟姦，新坐以死亡國，故以燕

感太后。太后曰：無復言嫁女齊事。事浸澤，不得聞於天

子。主父偃由此亦與齊有郤。主父偃方幸於天子，用事，

因言齊臨菑十萬戶，市租千金。索隱曰：市租謂所賣之物，出租日得千金，言齊

王生

人衆而人衆殷富。巨於長安。此非天子親策愛子。不得且富也。

王此。今齊王於親屬益踈。乃從容言呂太后時。齊欲反。

吳楚時。孝王幾為亂。今聞齊王與其姊亂。於是天子乃

拜主父偃為齊相。且正其事。主父偃既至齊。乃急治王

後宮宦者。為王通於姊翁主所者。令其辭證。引王。王

年少。懼大罪。為吏所執。誅。乃飲藥自殺。絕無後。是時趙

王懼。主父偃一出廢齊。恐其漸踈骨肉。乃上書言偃受

金。及輕重之短。索隱曰。謂偃挾齊不娶女之恨。因言齊之短為輕重之辭。蓋言臨菑富及吳楚

考王時事是也天子亦既囚偃。公孫弘言齊王以憂死。母後國

入漢。非誅偃無以塞天下之望。遂誅偃。齊厲王立五年。

死。母後國入于漢。齊悼惠王後尚有二國。城陽及菑川。

菑川地比齊。天子憐齊。為悼惠王冢園在郡。割臨菑東

環悼惠王冢園邑。盡以予菑川。以奉悼惠王祭祀。城陽

景王章。齊悼惠王子。三義曰。年表云都莒也。以朱虛侯與大臣共

誅諸呂。而章身首先斬相國呂王。產於未央宮。孝文帝

既立。益封章二千戶。賜金千斤。孝文二年。以齊之城陽

郡。立章為城陽王。立二年卒。子喜立。是為共王。共王八

年。徙王淮南。索隱曰。當孝文帝之十二年也。正義曰。年表云都陳也。四年。復還王

王生

城陽九三十三年卒。子建廷立。是為頃王。頃王二十八

年卒。子義立。是為敬王。敬王九年卒。子武立。是為惠王。

惠王十一年卒。子順立。是為荒王。荒王四十六年卒。子

恢立。是為戴王。徐廣曰廿戴王八年卒。子景立。至建始

三年。十五歲卒。正義三建始成帝年號從建始四年上

濟北王興居。齊悼惠王子。正義曰都以東牟侯助大臣

誅諸呂。功少。及文帝從代來。興居曰。請與太僕嬰入清

宮。廢少帝。共與大臣尊立孝文帝。孝文帝二年。以齊之

濟北郡立興居為濟北王。與城陽王俱立。立二年反。始

大臣誅呂氏時。朱虛侯功尤大。許盡以趙地王朱虛侯。

盡以梁地王東牟侯。及孝文帝立。聞朱虛東牟之初欲

立齊王。故絀其功。及二年。王諸子。乃割齊二郡以王章

興居。章興居自以失職奪功。章死。而興居聞匈奴大入

漢。漢多發兵。使丞相灌嬰擊之。文帝親幸太原。以為天

子自擊胡。遂發兵反於濟北。天子聞之。罷丞相及行兵

皆歸長安。使棘蒲侯柴將軍擊破虜濟北王。張晏曰王

自殺。地入于漢為郡。後十二年。文帝十六年。復以齊悼

惠王子安都侯志為濟北王。正義曰安都故城在濰州

高陽縣西南三十九里。

索隱曰地甲

志安都關 十一年吳楚反時志堅守不與諸侯合謀

吳楚已平徙志王菑川正義曰齊悼惠王子

音壁都 以勒侯孝文十六年為濟南王索隱曰勒漢書

屬平原也 十一年與吳楚反漢擊破殺辟光以濟南為

郡地入于澤菑川王賢齊悼惠王子正義曰年表云菑

青州壽光縣 以武城侯文帝十六年為菑川王索隱曰

志縣名屬平原也 十一年與吳楚反漢擊破殺賢天子

因徙濟比王志王菑川志以齊悼惠王子以安都侯王

濟比菑川王反毋後乃徙濟比王王菑川凡立三十五

年卒謚為懿王子建代立是為靖王二十年卒子遺代

立是為項王二十六年卒子終古立是為思王二十八

年卒子尚立是為孝王五年卒子橫立至建始二年十

一歲卒正義曰亦褚少孫次之膠西王卬齊悼惠三子正義曰卬

表云都高苑括地志云西苑 以昌平侯文帝十六年為

膠西王正義曰括地志云昌平故 十一年與吳楚反漢

擊破殺卬地入于漢為膠西郡膠東王雒渠齊悼惠王

子正義曰年表云都高墨按即墨 以白石侯文帝十六

年為膠東王索隱曰地理志縣名屬金城正義曰十

白石古城在德州安德縣北二十里

一年與吳楚反。漢擊破殺雒渠。地入于漢為膠東郡。太史公曰。諸侯大國。無過齊悼惠王。以海內初定。子弟少。激秦之無尺土封。故大封同姓。以填萬民之心。及後分裂。固其理也。

索隱述贊

漢矯秦制 樹屏自疆 表海大國 悉封齊王

呂后肆怒 乃獻城陽 哀王嗣立 其力不量

朱虛仕漢 功大策長 東牟受賞 稱亂貽殃

膠東濟北 雄渠辟光 齊雖七國 忠孝著昌

齊

史記卷之第... 世家... 三

漢書卷之九十三

此傳

蕭相國世家第二十三

史記五十二

蕭相國留侯陳平也家書法大梁同森然

曰數以吏事護高祖

蕭相國何者沛豐人也

索隱曰春秋緯蕭河感

以文無

害為沛主吏掾

漢書音義曰文無害有文無所仁害也律有無害都吏如今言公乎吏一曰無

善者知言無此陳留間語也○索隱曰漢書云何為高主吏主吏功曹也又云何為沛掾是何為功曹掾

祖為布衣時何數以吏事護高祖

索隱曰談文云護救視也

高祖為

亭長常左右之高祖以吏繇咸陽吏皆送奉錢三何獨

以五

李奇曰或三百或五百也○索隱曰奉音扶恩反謂資俸之如字讀謂在送之也劉氏云時錢有重

者當一故秦御史監郡者與從事常辨之

張晏曰何與共事脩

辨明何素有方畧也蘇沐曰辟何與從事也秦時無刺史以御史監郡

何乃給泗水卒史

余七

曰常辨之  
曰事第一  
入亦相顧

徐廣曰沛縣有泗水亭駟按文穎曰何為泗水郡卒史  
索隱曰如淳按律郡卒史書佐各十人也卒祖忽反

事第一。索隱曰謂課秦御史欲入言徵何。何固請得毋

行。及高祖起為沛公。何常為丞督事。沛公至咸陽。諸將

皆爭走金帛財物之府分之。索隱曰走音奏。秦者趨向之也。何獨先入

收秦丞相御史律令圖書藏之。沛公為漢王。以何為丞

相。項王與諸侯屠燒咸陽而去。漢王所以具知天下阨

塞。戶口多少。彊弱之處。民所疾苦者。以何具得秦圖書

也。何進言韓信。漢王以信為大將軍。語在淮陰侯事中。

漢王引兵東定三秦。何以丞相留收巴蜀。填撫諭告。使

頃之云蕭  
山相業只  
之數句

給軍食。漢二年。漢王與諸侯擊楚。何守關中。侍太子。治

櫟陽。為法令約束。立宗廟社稷宮室縣邑。輒奏上。可。許

以從事。即不及奏上。輒以便宜施行。上來以聞。應劭曰

乃以所關中事。計戶口。轉漕給軍。索隱曰轉劉氏音漢

王數失軍遁去。何常與關中卒。輒補缺。上以此專屬任

何關中事。漢三年。漢王與項羽相距京索之間。上數使

使勞苦丞相。鮑生謂丞相曰。王暴衣露蓋。數使使勞苦

君者。有疑君心也。為君計。莫若遣君子孫昆弟能勝兵

者。悉詣軍所。上心益信君。於是其計。漢王大說。漢



白雲先生  
曰發蹤指  
示四字於  
何未切當  
皆歸子房

五年既殺項羽定天下論功行封羣臣爭功歲餘功不  
決高祖以蕭何功最盛封為鄼侯文穎曰音贊瓚曰今南陽鄼縣也孫檢曰  
有二縣音字多亂其屬汴郡者音嗟屬南陽者音讚按茂陵書蕭何國在南陽宜呼讚今多呼嗟嗟舊字作鄼今皆作鄼所食邑多功臣皆曰臣等身被堅執銳多者  
百餘戰少者數十合攻城略地大小各有差今蕭何未  
嘗有汗馬之勞徒持文墨議論不戰顧反居臣等上何  
也高帝曰諸君知獵乎曰知之知獵狗乎曰知之高帝  
曰夫獵追殺獸兔者狗也而發蹤指示獸處者人也今  
諸君徒能得走獸耳功狗也至如蕭何發蹤指示功人

植曰鄂君  
明蕭何之  
功議論明  
白所以服  
人以一時  
之功分說  
於前而合  
於後一  
時之言亦  
有然有法  
中間物對  
相應

辛任須  
公舊未  
以號守

也且諸君獨以身隨我多者兩三人今蕭何舉宗數十  
人皆隨我功不可忘也羣臣皆莫敢言列侯畢已受封  
及奏位次皆曰平陽侯曹參身被七十創攻城略地功  
最多宜第一上已槌功臣多封蕭何應劭曰擗屈也索隱曰音女教反  
至位次未有以復難之然心欲何第一關內侯鄂君進  
曰索隱曰功臣表鄂羣臣議皆誤夫曹參雖有野戰略  
地之功此特一時之事夫上與楚相距五歲常失軍亡  
衆逃身遁者數矣然蕭何常從關中遣軍補其處非上  
所詔令召而數萬衆會上之乏絕者數矣夫漢與楚相

史記卷之第五十三  
世家三十三  
王生

守榮陽數年。軍無見糧。蕭何轉漕關中。給食不乏。陛下雖數亡山東。蕭何常全關中。以待陛下。此萬世之功也。今雖亡曹參等百數。何缺於漢。漢得之。不必待以全。奈何欲以一日之功。而加萬世之功哉。蕭何第一。曹參次之。高祖曰善。於是乃令蕭何賜帶劔履上殿。入朝不趨。上曰。吾聞進賢受上賞。蕭何功雖高。得鄂君。乃益明。於是因鄂君故所食關內侯邑。封為安平侯。徐廣曰。以謂有功。秩舉蕭何功。故因侯二千戶。封九年卒。至玄孫但坐與淮南王安通。京市國除。正義曰。括地志云。澤州安平縣本漢安平縣。是日悉封何父子兄弟十餘人。皆有食邑。乃

世中事

先封何二千戶。以帝嘗繇咸陽時。何送我獨贏奉錢二也。索隱曰。謂人皆一也。漢十一年。陳豨反。高祖自將至邯鄲。未罷。淮陰侯謀反。關中。呂后用蕭何計。誅淮陰侯。語在淮陰事中。上已聞淮陰侯誅。使使拜丞相何為相國。益封五千戶。令卒五百人。一都尉。為相國衛。諸君皆賀。召平獨平。召平者。故秦東陵侯。秦破。為布衣。貧。種瓜於長安城東。瓜美。故世俗謂之東陵瓜。從召平以為名也。召平謂相國曰。禍自此始矣。上暴露於外。而君守於中。非被矢石之事。而益君封。置衛者。以今者淮陰侯新反。

生台平與  
各之計何  
幾不免克

於中疑君心矣。夫置衛衛君，非以寵君也。願君讓封，勿受。悉以家私財佐軍，則上心說。相國從其計。高帝乃大喜。漢十二年秋，黥布反。上自將擊之，數使使問相國何為。相國為上在軍，乃拊循勉力百姓，悉以所有佐軍。如陳豨時。客有說相國曰：「君滅族不久矣。夫君位為相國，功第一，可復加哉？」然君初入關中，得百姓心十餘年矣。昔附君，常復孳孳得民和。上所為數問君者，畏君傾動關中。今君胡不多買田地，賤貴貸以自汙？」正義曰：賈音世，又食夜反。上乃安。於是相國從其計。上乃大說。上罷布

附也下  
天待反

軍歸，民道無行。上書言相國賤疆買民田宅數千萬。上

至相國謁，上笑曰：「夫相國乃利民。」索隱曰：謂相國取人曰宅，以為已利，故云。

乃利人也，所以令相國自謝之。民所上書皆以與相國。曰：「君自謝民相

國，因為民請曰：「長安地狹，上林中多空地，棄。願令民得

入田，毋收橐為禽獸食。」索隱曰：苗子還種，田人留橐入官。上大怒曰：「相

國多受賈人財物，乃為請吾死，乃下相國廷尉，械繫之。

數日，王衛尉侍。如淳曰：百官公卿表，衛尉王氏無名字。前問曰：「相國何大

罪？陛下繫之暴也。」上曰：「吾聞李斯相秦皇帝，有善歸主，

有惡自與。今相國多受賈人金，而為民請吾死，以自媚

於民故繫治之王術尉曰夫職事苟有便於民而請之  
真宰相事陛下奈何乃疑相國受賈人錢乎且陛下距  
楚數歲陳豨黥布反陛下自將而往當是時相國守關  
中搖足則關以西非陛下有也相國不以此時為利今  
乃利賈人之金乎且秦以不聞其過亡天下李斯之分  
過又何足法哉索隱曰李斯歸惡而自于是分過也陛下何疑宰相之淺  
也韋昭曰高帝不憚是日使使持節赦出相國相國年老素恭謹入徒跪謝高帝曰相國休矣相國為民請死吾不許我不過為桀紂主而相國為賢相吾故繫相國

欲令百姓聞吾過也何素下與曹參相能及何病孝惠  
自臨視相國病因問曰君即百歲後誰可代君者對曰  
知臣莫如主孝惠曰曹參何如何頓首曰帝得之矣臣  
死不恨矣何置田宅必居窮處為家不治垣屋曰後世  
賢師吾儉不賢毋為勢家所奪孝惠二年相國何卒東  
漢紀云蕭何墓在長陵東司馬門道北百步正義謚曰括也志云蕭何墓在雍州咸陽縣東北二十七里  
為文終侯徐廣曰功臣表蕭何後嗣以罪失侯者四世絕  
天子輒復求何後封續鄼侯功臣莫得比焉  
太史公曰蕭相國何於秦時為刀筆吏錄錄未有奇節

順而與  
之更始更  
千言萬語

史記卷之第... 世家... 五... 五... 五...

不能勝注  
陰黥布本  
不及感歎  
有也其  
所長也  
關天散宜  
生或議其  
無謂孰知  
大史所請  
何如諸將  
世此語正  
在何不曰  
然何不曰  
無大功何  
可也

索隱曰及漢興依日月之末光何謹守管籥因民之疾  
奉法順流與之更始淮陰黥布等皆以誅滅而何之勲  
爛焉位冠羣臣聲施後世與閔天散宜生等爭烈矣

索隱述贊曰

蕭何為吏 文而無害 及佐興三

舉宗從沛 關中既守 轉輸是賴

漢軍屢疲 秦兵必會 約法可久

收圖可大 指獸發蹤 其功實最

政稱畫一 居乃非秦 繼絕靡勸

式旌礪帶

蕭相國世家第二十三終 史記五十三

史記卷之第五十三 蕭相國世家 百二十七人 王彥敷

Table with multiple columns and rows, mostly blank or faintly visible text.

曹相國世家第二十四 史記五十四

平陽侯曹參者。沛人也。正義曰：晉州城即平陽故城也。張華曰：曹參字敬伯，按沛今徐州。

秦時為沛獄掾。而蕭何為主吏，居縣為豪吏矣。高

祖為沛公而初起也。參以中涓從。漢書音義曰：中涓，如中謁者。索隱曰：地理志二

音古。將擊胡陵。正義曰：縣名在方與南。方與。○索隱曰：地理志二

曰方音房與音。攻秦監公軍。漢書音義曰：監御史監郡者，公名秦一郡置守尉監

三人。○索隱曰：本紀泗川監名。大破之。東下薛，擊泗水

守軍薛郭西，復攻胡陵，取之。徙守方與。方與反為魏，擊

之。○義曰：曹豐反為魏，攻之。索隱曰：時雍齒守。賜爵

類破城軍 身得身 所得 道得當 攻轉攻圍 襲入

襲入 攻轉攻圍 道得當 所得 身得身 類破城軍

賜爵

故其國  
 引水灌  
 絕河津  
 追之追  
 至某地  
 千里乘  
 勝逐北  
 略地  
 收其地  
 并其軍  
 乘其大  
 破其軍  
 破之  
 後城之  
 降其地  
 本若下  
 下其也

七大夫擊秦司馬厓正義曰音夷軍碭東破之取碭狐父正義曰音夷

曰地理志碭屬梁國狐父地名在梁碭之間○正義曰括地志云狐父亭在宋州碭山縣東南三十里

善置孫檢曰漢謂驛曰置善名也○索隱曰司馬鹿郡國志穀熟有祁亭○正義曰括地志云故祁城在宋州下邑縣東北四十九里漢祁城縣也言取碭狐父及祁縣之善置

又攻下邑以西至虞索隱曰地志下邑虞皆屬梁國○正義曰宋州下縣在州北五十一里擊章邯車騎攻爰戚及元父索隱曰蘇林云

古虞國商均所計擊章邯車騎攻爰戚及元父蘇林云

縣名屬山陽功臣表爰戚侯趙成○正義曰括地志云元父故城在宋州任城縣南五十一里

為五大夫北救東阿索隱曰時章邯圍臣榮於東擊章邯軍陷陳追至濮陽攻定陶取臨濟正義曰淄州高

邯軍陷陳追至濮陽攻定陶取臨濟正義曰淄州高

定  
 殺之  
 斬首  
 斬首  
 斬首

故成安縣改曰臨濟南救雍丘擊李由軍破之殺李由虜秦侯一

八秦將章邯破殺項梁也沛公與項羽引而東楚懷王以沛公為碭郡長將碭郡兵於是乃封參為執帛張晏曰狐

卿也或曰號曰建成君索隱曰地理志建成縣屬沛郡遷為戚公索隱曰遷

參為戚令○正義曰即屬碭郡其後從攻東郡尉軍破爰戚縣也是時屬沛郡

之成武南索隱曰地理志成武縣屬山陽擊工離軍成陽南索隱曰地理志縣名

在齊陰成地名周武王封弟季載於成其後代遷於成之陽故曰成陽復攻之杠里大破

之追北西至開封擊趙賁軍破之索隱曰賁音奔圍趙賁開封城中西擊秦將楊熊軍於曲遇破之正義曰曲丘羽反

屠屠之  
 得財  
 城級縣  
 城級縣  
 城級縣

城中西擊秦將楊熊軍於曲遇破之正義曰曲丘羽反

最攻其地

地最

多見至城

下為多

所將半

當馳道

為多

先登卻敵

先登

陳先登

陳先登

陳先登

陳先登

陳先登

陳先登

陳先登

陳先登

郡國志云中牟有曲遇

聚按中牟鄭州縣也

虞秦司馬及御史各一人遷為

執珪張晏曰侯伯執珪以朝位北之如淳曰

從攻陽武

下轅轅侯氏

索隱曰地理志陽武緱氏二縣屬河南轅轅道名在緱氏南正義曰緱氏洛州縣

也絕河津

正義曰津濟渡處括地志云平陰故津在洛州洛陽縣東北五十里

還擊趙賁

軍尸北破之

徐廣曰尸在偃師孟康曰尸在偃師

從南攻犇與南陽守齧

戰陽城郭東陷陳

應劭云今赭陽赭陽是南陽之縣正義曰陷南陽守於陽城郭東也取

宛虜斷盡定南陽郡從西攻武關峽關取之

正義曰括地志云故

武關在商州商洛縣東九十里藍田關在

前攻秦軍藍

田南

正義曰雍州藍田縣在田南八十里因藍田山為名

又夜擊其且秦軍大

破遂至咸陽滅秦項羽至以沛公為漢王漢王封參為

建成侯從至漢中

正義曰梁州本漢中郡

遷為將軍從還定三秦

初攻下辯故道

正義曰括地志云成州同谷縣本漢下辯道又云鳳州兩當縣本漢故道縣在

州西五

雍聚

索隱曰地理志二縣名屬右扶風聚音胎正義曰聚作聚音貽括地志云故雍縣南

十里

故聚城

一名武功縣擊章平軍於好時南破之正義

西南二十二里古郿國也

圍好時取壤鄉

文穎曰擊三

秦軍壤東及高櫟破之

索隱曰櫟音歷按文穎云壤鄉高櫟皆地名在右扶風今其地

關正義曰櫟音歷皆村邑名壤鄉今在雍州武

復圍

功縣東南二十餘里高壤坊是高櫟近壤鄉也

章平章平出好時走因擊趙賁為史保軍破之東取咸

史記卷之五十四

世家二十四

三



陽更命曰新城。索隱曰漢書高帝元年咸陽名新城武帝改名曰渭城。參將兵守

景陵。漢書音義曰縣名也。二十日。三秦使章平等攻參。參出擊。大

破之。賜食邑於寧秦。蘇林曰今華陰。參以將軍引兵圍章郿於

廢丘。正義曰周曰大丘秦更名廢丘漢更名魏里今故城在雍州始平縣東南十里。以中尉從

漢土出臨晉關。正義曰即蒲津關也。在臨晉縣故言臨晉關今在同州也。至河內下

脩武。正義曰今懷州獲嘉縣古脩武也。渡圍津。徐廣曰東郡白馬有圍津。○索隱曰顧氏按水

經注白馬津有韋鄉。韋津東擊龍且項他。定陶破之。東

取碭蕭彭城。正義曰徐州二縣。擊項籍軍。漢軍大敗走參。以中

尉圍取雍丘。王武反於黃。徐廣曰內黃縣有黃澤。程處反於燕。徐

曰東郡燕縣。駮案漢書音義曰皆漢將。往擊。盡破之。生天侯反於衍氏。索隱

曰柱天侯不知其誰。封衍氏魏邑。地理志云柱天在廬江替縣。又進破取衍氏。擊羽嬰

於昆陽。追至葉。還攻武彊。續曰武彊城在陽武。○正義曰括地志云武彊故城在鄭

州管城縣東北三十一里。因至棗陽。參自漢中為將軍中尉。從。索隱曰才

用擊諸侯。及項羽敗。還至棗陽。凡二歲。高祖三年。拜為

假左丞相。入屯兵關中。月餘。魏王豹反。以假左丞相別

與韓信東攻魏。將軍孫敖軍東張。大破之。徐廣曰張者地名。功臣表

有張侯毛澤之。翻按蘇林曰屬河東。○索隱曰敖音速。○正義曰括地志云張陽故城一名東張城在蒲州虞鄉縣西北四十里。因攻安邑。得魏將王襄。擊魏王於曲陽。正義曰括

曰正義曰括地志云張陽故城一名東張城在蒲州虞鄉縣西北四十里。

地志云上曲陽定州恒陽縣是追至武垣徐廣曰河東有垣縣○正

義曰括地志云武垣縣今蘇州城是地理志云武垣縣屬涿郡也生得魏王豹取平陽

正義曰晉得魏王母妻子盡定魏地凡五十二城賜食

邑平陽因從韓信擊笮相國夏說軍於鄆東大破之斬

夏說徐廣曰鄆縣在太原音鳥古天韓信與故常山王張耳引兵下井

陘擊成安君而令參還圍趙別將戚將軍於鄆城中戚

將軍出走追斬之乃引兵誅敖倉漢王之所韓信已破

趙為相國東擊齊參以右丞相屬韓信攻破齊歷下軍

遂取臨菑還定濟北郡攻著濞陰平原鬲盧索隱曰地理志著縣

屬濟南盧縣屬泰山濞陰平原鬲三縣屬平原濞陰也本反已而從韓信擊龍且軍

於假密文按曰或以為高密○索隱曰漢書亦作假

齊地今鬲大破之斬龍且虜其將軍周蘭定齊凡得七十餘

縣得故齊王田廣相田光其守相許章及故齊膠東將

軍田將既韓信為齊王引兵詣陳與漢王共破項羽而參

留平齊未服者項籍已死天下定漢王為皇帝韓信徙

為楚王齊為郡參歸漢相印高帝以長子肥為齊王而

以參為齊相國以高祖六年賜爵列侯與諸侯剖符世

世勿絕食邑平陽萬六百三十戶號曰平陽侯除前所

已...

食邑以齊相國擊陳豨將張春軍破之黥布反參以齊  
相國從悼惠王將兵車騎十二萬人與高祖會擊黥布  
軍大破之南至斬還定竹邑相蕭留索隱曰地理志斬  
竹邑相蕭四縣屬  
法章昭云留今屬彭  
城劉漢初亦屬沛也參功凡下二國縣一百二十二得  
王二人相三人將軍六人大莫敖漢書音義曰  
楚之卿號郡守司  
馬侯御史各一人孝惠帝元年除諸侯相國法史以參  
為齊丞相參之相齊齊七十城天下初定悼惠王言於  
春秋參盡召長老諸生問所以安集百姓如齊故俗諸  
儒以百數言人人殊參未知所定聞膠西有蓋公善治

黃老言使人厚斂請之既見蓋公蓋公為言治道貴清  
靜而民自定推此類具言之參於是避正堂今蓋公焉  
其治要用黃老術故相齊九年齊國安集大稱賢相惠  
帝二年蕭何卒參聞之告舍人趣治行吾將入相居無  
何使者果召參參去屬其後相曰以齊獄市為奇慎勿  
擾也後相曰治無大於此者乎參曰不然夫獄市者所  
以并容也今君擾之姦人安所容也吾是以先之漢書  
音義  
曰夫獄市兼受善惡若窮極姦人無所容竄姦人無所  
容竄父且為亂秦人極刑而天下畔孝武峻法而獄繁  
此其劫也老子曰我無為而民自化我好靜  
而民自正參欲以道化其本不欲擾其末參始徵時

史記卷之五十五  
王休直

與蕭何善。乃為將相有郤。至何且死。所推賢唯參。參代何為漢相。國舉事無所變更。一遵蕭何約束。擇郡國吏不諛於文辭。重厚長者。即召除為丞相。史吏之言文刻深。欲務聲名者。輒斥去之。日夜飲醇酒。卿大夫以下。吏及賓客。見參不事事。如淳曰不事。承相之事。來者皆欲有言。至者參輒飲以醇酒。問之。欲有所言。復飲之。醉而後去。終莫得開說。以為常。如淳曰開謂有所啓白。相舍後園近吏舍。吏舍日飲歌呼。從吏惡之。無如之何。乃請參游園中。聞吏醉歌呼。從吏盡相國召按之。乃反取酒張坐飲。亦歌呼與相

應和參見人之有細過。專掩匿覆蓋之。府中無事。參子

窋。索隱曰音張律反。為中大夫。惠帝怪相國不治事。以為豈少

朕與。索隱曰少者不足之詞。故胡亥亦云丞相豈少我哉。蓋帝以丞相豈不是嫌少於我哉。小顏以為我

年少非也。乃謂窋曰。君歸。試私從容問而父曰。高帝新棄羣

臣。帝富於春秋。君為相。日飲無所請事。何以憂天下乎。

然無亡吾告若也。索隱曰謂惠帝語窋無得言我告窋汝令諫汝父當自云是已意也。

既洗沐歸。間侍。自從其所諫。參怒而答窋二百。曰。趣

入侍。天下事非若所當言也。至朝時。惠帝讓參曰。與窋

胡治乎。如淳曰猶言用窋為治。索隱曰胡治也。言諫參何為治窋也。乃者。我使諫君

生戰  
小無  
可法  
公事  
子長  
益公  
更公  
生公  
文生  
只是  
胡塗

梁崑川

其語不  
可厭

史漢異同  
云參本攻  
城野戰材  
也及為相  
國獨遵用  
哲人一語  
承能養漢  
初氣脈在  
七秦之後  
文景之前  
非太史公  
發起即師  
用其人止  
不知此漢  
之所以為  
漢也何因  
傳之

傳得  
全終  
凡得別

道詞一  
字請言  
相合道也

也。參免冠謝曰。陛下自察聖武。孰與高帝。上曰。朕乃安  
敢望先帝乎。曰。陛下觀臣能孰與蕭何賢。上口。君似不  
及也。參曰。陛下言之是也。此乃發洩曹參之意且高帝與蕭何定天下。法令  
既明。今陛下垂拱。參等守職。遵而勿失。不亦可乎。惠帝  
曰。善。君休矣。參為漢相國。出入三年。卒。謚懿侯。子窋代  
侯。百姓歌之曰。蕭何為法。顛若畫一。徐廣曰。顛音古。窋  
反。一音較。○索隱  
曰。漢書。顛作講。畫訓直。又訓明。言法明直若畫一。曹參  
也。講亦作。顛。小頌云。講和也。畫一言。其法整齊也。代之守而勿失。載其清淨。民以寧一。平陽侯。高后時  
為御史大夫。孝文帝立。免為侯。立二十九年。卒。謚為靜

侯。子奇代侯。立七年。卒。謚為簡侯。子時代侯。時尚平陽  
公主。生子襄。時病。鴈歸國。立二十三年。卒。謚夷侯。子襄  
代侯。襄尚衛長公主。生子宗。立十六年。卒。謚為共侯。子  
宗代侯。征和二年。中宗坐太子死。國除。  
太史公曰。曹相國參。攻城野戰之功。所以能多若此者。  
以與淮陰侯俱。及信已滅。而列侯成功。唯獨參擅其名。  
參為漢相國。清靜。極言合道。然百姓離秦之酷。後參與  
休息。無為。故天下俱稱其美矣。

索隱述贊曰

史記卷之五十四  
卷之五十四  
索隱述贊

曹參初起 為沛豪吏 始從中涓

先圖善置 執圭執帛 攻城略地

衍氏既誅 昆陽失位 北禽夏詭

東討田既 剖符定封 功無與一

市獄勿擾 清淨不事 尚主平陽

代享其利

曹相國世家第二十四終

史記五十四

留侯世家第二十五

史記五十五

留侯張良者其先韓人也。正義曰：估地志云：留城在徐州沛縣東南五十五里。今

城內有張良廟也。漢書云：良字子房，按王符《皇極經世一》並以其為韓之公族，妣姓也。秦索賊急，乃改姓名于韓。先

有張去疾及張譚，恐非良之先人也。良既歷代相韓，故知其先韓人。顧氏按後漢書云：張良出於城父，城父縣

屬潁川也。大父開地，相韓昭侯、宣惠王、襄哀王。應劭曰：大父，祖父也。

父平，相釐王、悼惠王。索隱曰：韓系家及悼惠王二十三年卒。卒二十歲。秦滅韓，良年少，未宦事韓。韓破，良家

僮三百人，弟死不葬，悉以家財求客刺秦王，為韓報仇。

以大父、父五世相韓，故索隱曰：謂大父及父相韓五王故云五世。良嘗學禮

史記卷之五十五

張溪云從倉海君得力超羣百二十斤鐵楸良非自免并隱力此大怪語皆不可意測不可語詳但竟古人如在足辨

淮陽

正義曰今陳州也

東見倉海君

如淳曰秦郡縣無倉海或曰東夷君長正義曰漢

書武帝紀云九年東夷穢君南閭等降為倉海郡今穢國得之大史公修史時已降為郡自書之括地志云穢國在東至大海新得力士為鐵椎重百二十斤秦皇帝

東游良與客狙

服虔曰狙伺候也狙七預反伺也索隱曰應劭云狙伺也一云狙伏伺也謂狙

之伺物必伏而候之故今云狙候是也擊秦皇帝博浪沙中地理記云鄭

湯武縣有博浪沙誤中副車索隱曰漢官儀天子屬車按今當官道也

奉車郎御秦皇帝大怒大索天下求賊甚急為張良故

也良乃更名姓亡匿下邳良嘗閒從容步游下邳圯上

徐廣曰圯橋也東楚謂之圯音怡索隱曰嘗訓經也閒閑字也按地理志下邳縣屬東海又云邳在薛後

妙處正在履

此言下邳故此云下邳應劭云圯水之上也然察見史記亦有作土旁者乃引今會稽東湖大橋名為靈圯圯亦音夷理

有一老父衣褐至良所直墮其履圯下索隱曰崔

浩然也浩然欲歐之徐廣曰一曰良然欲罵之為其老彊忍

下取履父曰履我良業為取履因長跪履之索隱曰業

謂良心先已為取故遂跪而履之父以足受笑而去良殊大驚隨目之

父去里所復還曰孺子可教矣後五日平明與我會此

良因怪之跪曰諾五日平明良往父已先在怒曰與老

人期後何也去曰後五日早會五日雞鳴良往父又先

史記卷之五十五

其人如

其言者之第

五

五百二

在復怒曰後何也去曰後五日復早來五日良夜未半

往有頃父亦來喜曰當如是出一編書徐廣曰編一作篇曰讀

此則為王者師矣後十年興十三年孺子見我濟北穀

城山下黃石即我矣正義曰世地志云穀城山一名黃

郡孔文祥云黃石公讀眉皆白狀杖冊黎履赤舄遂去無他言不復見旦日視

其書乃太公兵法也正義三上錄云太公兵法一泰三

也良因異之常習誦讀之居下邳為任俠項伯嘗殺人

從良匿後十年陳涉等起兵良亦聚少年百餘人景駒

自立為楚假王良在留欲往從之道遇沛公沛公將數

千人略地下邳西遂屬焉沛公拜良為廐將漢書音義曰官名

良數以太公兵法說沛公沛公善之常用其策良為他

人言皆不省良曰沛公殆天授索隱曰始訓近也故遂從之不

去見景駒及沛公之薛見項梁項梁立楚懷王良乃說

項梁曰君已立楚後而韓諸公子橫陽君成賢可立為

王益樹黨項梁使良求韓成立以為韓王以良為韓申

徒徐廣曰即司徒耳但語音訛轉故字亦隨改與韓王將千餘人西略韓地

得數城秦輒復取之往來為游兵潁川沛公之從雒陽

南出轅轅良引兵從沛公下韓十餘城擊破楊熊軍沛

史記卷之第

五

王生



公乃令韓王成留守陽翟與良俱南攻下宛西入武關

沛公欲以兵二萬人擊秦曉下軍徐廣曰曉音走良說曰秦兵

尚彊未可輕臣聞其將屠者子賈豎易動以利願沛公

且留壁使人先行為五萬人具食徐廣曰一作百益為張旗

幟諸山上為疑兵索隱曰旗幟其試令酈食其持重寶啗秦將

秦將果畔欲連和俱西襲咸陽沛公欲聽之良曰此獨

其將欲叛耳恐士卒不從不從必危不如因其解擊之

索隱曰謂卒將離心而解息沛公乃引兵擊秦軍大破之遂北至藍

田再戰秦兵竟敗遂至咸陽秦王子嬰降沛公沛公入

秦宮宮室帷帳狗馬重寶婦女以千數意欲留居之樊

噲諫沛公出舍沛公不聽徐廣曰一本噲諫曰沛公欲

沛公曰吾欲有天下噲曰今臣從人秦宮所觀宮室帷帳珠玉重寶鍾鼓之飾尚物不同勝於八其後宮美人

婦女以千數此皆秦所以亡天也良曰夫秦為無

道故沛公得至此夫為天下除殘賊守維素為資晉灼曰資

籍也欲沛公反秦奢秦服儉素以為籍也今始入秦即安其樂此所謂助桀

為虐且忠言逆耳利於行毒藥苦口利於病索隱曰見孔子家語

願沛公聽樊噲言沛公乃還軍霸上項羽至鴻門下欲

擊沛公項伯乃夜馳入沛公軍私見張良欲與俱去良

王生

沛公亦在此

曰。臣為韓王送沛公。今事有急。亡去不義。乃具以語沛公。沛公大驚曰。為將奈何。良曰。沛公誠欲倍項羽邪。沛公曰。鯁生。索隱曰。鯁謂小魚也。音。楚。勾。反。臣。賁。按。楚。漢。春秋。鯁生。本。姓。解。教我距關。無內諸侯。秦地可盡王。故聽之。良曰。沛公自度能却項羽乎。沛公默然。良久曰。固不能也。今為奈何。良乃固要項伯。項伯見沛公。沛公與飲為壽。結賓婚。令項伯具言沛公不敢倍項羽。所以距關者。備他盜也。及見項羽。後解語在項羽事中。漢元年正月。沛公為漢王。王巴蜀。漢王賜良金百鎰。珠二斗。良具以獻項伯。漢王亦因令良厚

遺項伯使請漢中地。如淳曰。本也。與己。故請漢中地。項王乃許之。遂

得漢中地。漢王之國。良送至褒中。正義曰。括地志云。褒中。在涇州褒城縣北。

五十里。南中山。昔秦欲伐蜀。路無由。人乃刻石為牛。五頭。置金於後。偽言此牛能屎金。以遺蜀侯。貪信之。乃

令五丁共引牛。墾山埋谷。致之成都。秦遂尋道伐之。因號曰石牛道。蜀賦以石門在漢中之西。褒中之北。是又

云。斜水源出褒城縣西北。街嶺山。與褒水同源。而流。遣

派。漢書溝洫志云。褒水通沔。斜水通渭。皆以行船。遣

良歸韓。良因說漢王曰。王何不燒絕所過棧道。示天下

無還心。以固項王意。乃使良還行燒絕棧道。良至韓。韓

王成以良從漢王。故項王不遣成之國。從與俱東。良說

項王曰。漢王燒絕棧道。無還心矣。乃以齊王田榮反書

史記卷之第... 世家... 告項王項王以此無西憂漢心而發兵北擊齊項王竟不肯遣韓王乃以為侯又殺之彭城良亡問行歸漢王漢王亦已還定三秦矣復以良為成信侯從東擊楚至彭城漢敗而還至下邑漢王下馬踞鞍而問曰吾欲捐關以東等弃之誰可與共功者良進曰九江王黥布楚梟將與項王有怨彭越與齊王田榮及梁地此兩人可急使而漢王之將獨韓信可屬大事當一面即欲捐之捐之此三人則楚可破也漢王乃遣隨何說九江王布而使人連彭越及魏王豹反使韓信將兵擊之因舉燕

楚著此人力也  
謂一戰事  
謂法後  
云竟不易  
太子者節  
侯本招此  
四人力也  
謂此何法

代齊趙然卒破楚者此三人力也張良多病不嘗持將也常為畫策臣時時從漢王漢三年項羽急圍漢王榮陽漢王忍憂與酈食其謀撓楚權食其曰昔湯伐桀封其後於杞武王伐紂封其後於宋今秦失德棄義侵伐諸侯社稷滅六國之後使無立錐之地陛下誠能復立六國後世畢已受印此其君臣百姓必皆戴陛下之德莫不鄉風慕義願為臣妾德義已行陛下南鄉稱霸楚必斂衽而朝漢王曰善越刻印先生因行佩之矣食其未行張良從外來謁漢王方食曰子房前客有為我計

史記卷之第... 世家... 思思

撓楚權者。具以酈生語告於子房。曰：何如？良曰：誰為陛下畫此計者？陛下事去矣。漢王曰：何哉？張良對曰：臣請

藉前箸為大王籌之。張晏曰：求借所食之箸用指畫也。或曰：前湯武著明之事以籌度今時之不

然也。曰：昔者湯伐桀而封其後於杞者，度能制桀之

死命也。今陛下能制項籍之死命乎？而未能也。其不可

一也。武王伐紂，封其後於宋者，度能得紂之頭也。今陛

下能得項籍之頭乎？曰：未能也。其不可二也。武王入殷

表商容之閭。索隱曰：崔浩云：表者，標榜其里門也。商容，紂時賢人也。韓詩外傳曰：商容執羽箭為於

馬徒欲以化紂而不能遂去伏於大釋箕子之拘。曰：釋

一作式拘 封比干之墓。今陛下能封聖人之墓。表賢者

之閭。式智者之門乎？曰：未能也。其不可三也。發鉅橋之

粟，散鹿臺之錢，以賜貧窮。今陛下能散府庫以賜貧窮

乎？曰：未能也。其不可四矣。殷事已畢，偃革為軒。索隱曰：蘇林云

革者，兵車也。軒者，朱軒皮軒也。謂廢兵車而用乘車也。說文云：軒，曲周屏車。倒置干戈，覆以

虎皮，以示天下不復用兵。今陛下能偃武行文，不復用

兵乎？曰：未能也。其不可五矣。休馬華山之陽，示以無所

為。今陛下能休馬無所用乎？曰：未能也。其不可六矣。放

牛桃林之陰。索隱曰：晉灼云：在弘農南門鄉谷中。應劭

十三州記：弘農有桃丘，聚古桃林也。山海

經云夸父之山比有桃林廣三百里

以示不復輸積。今陛下能放牛不復輸積乎。曰：未能也。其不可七矣。且天下游士離其親戚，棄墳墓，去故舊，從陛下游者，徒欲日夜望咫尺之地。今

復六國立，韓魏燕趙齊楚之後，天下游士各歸事其主，

從其親戚，反其故舊墳墓，陛下與誰取天下乎。其不可

八矣。且夫楚唯無疆，六國立者復撓而從之。漢書音義曰：唯，富使

楚無疆，強則六國弱，從之。索隱曰：荀悅漢紀此事云：獨可使楚無強，強則六國屈撓而從之。陛下焉

得而臣之，誠用客之謀，陛下事去矣。漢王齧食吐哺，罵

曰：豎儒幾敗而公事。索隱曰：高祖罵豎儒謂此儒生豎子耳。幾音祈，幾殆也。而

和自謂也。漢書作乃公。今趣銷印，漢四年韓信破齊而欲自立

為齊王，漢王怒。張良說漢王，漢王使良授齊王信印。語

在淮陰事中。其秋，漢王追楚至陽夏南，戰不利而壁固

陵，諸侯期不至。良說漢王，漢王用其計。諸侯皆至，語在

項籍事中。漢六年正月，封功臣。良未嘗有戰鬪功，高帝

曰：運籌策帷帳中，決勝千里外，子房功也。自擇齊三萬

戶。良曰：始臣起下邳，與上會留，此天以臣授陛下。陛下

用臣計，幸而時中，臣願封留足矣，不敢當三萬戶。乃封

張良為留侯。與蕭何等俱封。六年，上已封大功臣二十

餘人其餘日夜爭功不決未得行封上在雒陽南宮從

復道如淳曰復音復上下有道故謂之復道望見諸將往往相與坐沙中

語上曰此何語留侯曰陛下不知乎此謀反耳上曰天

下屬安定何故反乎留侯曰陛下起布衣以此屬取天

下今陛下為天子而所封皆蕭曹故人所親愛而所誅

者皆生平所仇怨今軍吏計功以天下不足徧封此屬

畏陛下不能盡封恐又見疑平生過失及誅故即相聚

謀反耳上乃憂曰為之奈何留侯曰上平生所憎羣臣

所共知誰最甚者上曰雍齒與我故漢書音義曰未起時有故然數

嘗窘辱我我欲殺之為其功多故不忍留侯曰今急先

封雍齒以示羣臣羣臣見雍齒封則人人自望矣於是

上乃置酒封雍齒為什方侯索隱曰縣名屬廣漢○正義曰什方志云雍齒在

益州什邡縣西四十步漢什邡縣漢初封雍齒為侯國而急趣丞相御史定功行

封羣臣罷酒皆喜曰雍齒尚為侯我屬無患矣劉敬說

高帝曰都關中上疑之左右大臣皆山東人多勸上都

雒陽雒陽東有成皋西有殽黽倍河句伊雒其固亦足

恃留侯曰雒陽雖有此固其地小不過數百里天地薄

四面受敵此非用武之國也夫關中左殽函正義曰殽函三殽山也

史記卷之第... 世家... 買

在洛州永寧縣西北二十八里至右隴蜀正義曰隴山南連蜀之据

山故云右沃野千里南有巴蜀之饒北有胡苑之利索隱

口崔浩云苑馬牧外接胡地阻三面而守獨以一面東馬生於胡故云胡苑之利

制諸侯諸侯安定河渭漕輓天下西給京師諸侯有變

順流而下足以委輸此所謂金城千里天府之國也索隱

曰此言謂者蓋是依憑古語金城言秦有四塞之國如

金城也蘇秦論秦惠王云秦地勢形使所謂天府是所

也劉敬說也是也於是高帝即日駕西都關中索隱曰周禮三日詢

國遷乃為大重高祖即日西遷者留侯從入關留侯往

蓋謂其曰天言非即日遂行也留侯從入關留侯往

多病即道引不食穀漢書音義曰恨辟穀之藥而辭吾行氣杜門不出歲

餘上欲廢太子立戚夫人子趙王如意大臣多諫爭未

能得堅決者也呂后恐不知所為人或謂呂后曰留侯

善畫計策上信用之呂后乃使建成侯呂澤劫留侯曰

君常為上謀臣今上欲易太子君安得高枕而卧乎留

侯曰始上數在困急之中幸用臣策今天下安定以愛

欲易太子骨肉之間雖臣等百餘人何益呂澤疆要曰

為我畫計留侯曰此難以口舌爭也顧上有不能致者

天下有四人索隱曰四人四皓也謂東園公綺里季夏

言明居園中因以為號夏黃公姓崔名廣字少通齊人

隱居夏里脩道故號曰夏黃公角里先生河內軹人大

須溪云招  
四皓一  
故事明  
讀之歷歷  
如目擊

伯之後姓周名術字元道京師號曰霸上先生一日用  
里先生孔父祕記作寧里皆王勃據崔氏周氏世譜及  
陶潛四八目四人者年老矣皆以為上慢侮人故逃匿  
而為此說  
山中義不為漢臣然上高此四人今公誠能無愛金玉  
璧帛令太子為書卑辭安車因使辯士固請宜來來以  
為客時時從入朝令上見之則必異而問之問之上知  
此四人賢則一助也於是吕后令吕澤使人奉太子書  
卑辭厚禮迎此四人四人至客建成侯所漢十一年黥  
布反上病欲使太子將往擊之四人相謂曰凡來者將  
以存太子太子將兵事危矣乃說建成侯曰太子將兵

有功則位不益太子無功還則從此受禍矣且太子所  
與俱諸將皆嘗與上定天下梟將也今使太子將之此  
無異使羊將狼也皆不肯為盡力其無功必矣臣聞母  
愛者子抱索隱曰此  
語出韓子今戚夫人日夜侍御趙王如意常  
抱居前上曰終不使不肖子居愛子之上明乎其代太  
子位必矣君何不急請吕后承間為上泣言黥布天下  
猛將也善用兵今諸將皆陛下故等夷索隱曰如淳云  
等夷言等輩  
乃令太子將此屬無異使羊將狼莫肯為用且使布聞  
之則鼓行而西耳晉灼曰鼓行而  
西言無所畏也上雖病彊載輜車卧

史記卷之五十五  
世宗二十  
余七



而護之。諸將不敢不盡力。上雖苦。為妻子自彊。於是呂澤立夜見呂后。呂后承間為上泣涕而言。如四人意。上曰。吾惟豎子。固不足遣。而公自行耳。於是上自將兵而東。羣臣居守。皆送至灞上。留侯病。自彊起至曲郵。索隱曰。郵音尤。按司馬彪漢書郡國志長安有曲郵。聚今在新豐。西俗謂之郵頭。漢書舊儀云。五里一郵。郵人居間相去二里半。按郵公今之候。見上曰。臣宜從。病甚。楚人剽疾。願上無與楚人爭鋒。因說上曰。令太子為將軍。監關中兵。上曰。子房雖病。彊卧而傅太子。是時叔孫通為太傅。留侯行少傅事。漢十二年。上從擊破布軍歸。疾益甚。愈欲易太子。

留侯諫不聽。因疾不視事。叔孫太傅稱說引古今。以死爭太子。上佯許之。猶欲易之。及燕置酒。太子侍。四人從太子。年皆八十有餘。須眉皓白。衣冠甚偉。上怪之。問曰。彼何為者。四人前對。各言名姓曰。東園公。角里先生。綺里季。夏黃公。上乃大驚曰。吾求公數歲。公辟逃我。今公何自從吾兒游乎。四人皆曰。陛下輕士善罵。臣等義不受辱。故恐而亡匿。竊聞太子為人仁孝。恭敬愛士。天下莫不延頸欲為太子死者。故臣等來耳。上曰。煩公幸卒調護太子。如淳曰。調護猶營護也。四人為壽已畢。趨去。上目送之。

史記卷之第五十五  
留侯世家  
四十五  
余七

召戚夫人指示四人者曰我欲易之彼四人輔之羽翼已成難動矣呂后真而主矣戚夫人泣上曰為我楚舞吾為若楚歌歌曰鴻鵠高飛一舉千里羽翮已就橫絕四海橫絕四海當可奈何雖有矰繳其矢曰矰○索隱曰馬融註周禮云矰者繳繫矰矢謂之矰一說云矰一絃可以射高者故云矰也尚安所施歌數闕索隱曰音曲完及謂世終也說文云闕闕也戚夫人嗁啼流涕上起去罷酒竟不易太子者侯本招此四入之力也留侯從上擊代出奇計馬邑下徐廣曰一云出及立蕭何相國漢書音義曰何時未為相國勸高祖立之與上從容言天下事甚衆非天

漢云此  
力士以  
四人皆  
有姓名  
助以漢  
故屢見  
為梓木  
子房始

下所以存亡故不著留侯乃稱曰家世相韓及韓滅不愛萬金之資為韓報讎彊秦天下振動今以三寸舌為帝考師索隱曰春秋緯云舌在封萬戶位列侯此布衣之極於良足矣願棄人間事欲從赤松子游耳索隱曰赤松子神農時雨師能入火自燒崑崙山上隨風雨上下也乃學辟穀道引輕身徐廣曰學道引欲輕舉也○會高帝崩呂后德留侯乃彊食之索隱曰辟音實亦反曰人生一世間如白駒過隙何至自苦如此乎留侯不得已彊聽而食後八年卒謚為文成侯子不疑代侯徐廣曰文成侯立十六年卒子不疑代立十年坐與子房始門大夫吉謀殺故楚內史當死贖為城旦國除

石俱在  
尾中

所見下邳圯上老父與太公書者後十三年從高帝過

濟北果見穀城山下黃石取而葆祠之徐廣曰史記珍寶字皆作葆

留侯死并葬黃石冢正義曰括地志云漢張良墓在徐州沛縣東六十五里與留城相近

也每上冢伏臘祠黃石留侯不疑孝文帝五年坐不敬

國除

太史公曰學者多言無鬼神然言有物索隱曰物謂精氣及藥物也

至如留侯所見老父予書亦可怪矣索隱曰詩緯云風石子以書授張良亦異

高祖離困者數矣而留侯常有

以方焉豈可謂非天乎上曰夫運籌策帷帳之中

千里外吾不如子房余以為其人計魁梧奇偉應劭曰魁梧丘

虛壯人之意。索隱曰蘇林云梧音許蕭該云今讀為吾非也小顏云言其可警悟於人至見其圖

狀貌如婦人好女蓋孔子曰以貌取人失之子羽索隱曰子

羽澹臺滅明字也仲尼弟子傳云狀貌甚惡又家語云子羽有君子之容而行不稱其貌史記文同也留

侯亦云

索隱述贊曰

留侯倜儻 志懷憤惋 五代相韓

一朝歸漢 進履宜假 運籌神算

橫陽既立 申徒作扞 灞上扶危

固陵靜亂

人稱三傑

辯推八難

赤松願遊

白駒難絆

嗟彼雄略

曾非魁岸

白侯世家第二十五終

史記五十五

陳丞相世家第二十六

史記五十六

陳丞相平者陽武戶牖鄉人也

索隱曰徐廣云陽武屬魏而地理志屬河南郡

蓋後陽武分屬梁國耳徐又云戶牖今為東昏縣屬陳留與漢書地理志同秦時戶牖鄉屬陽武至漢以

戶牖為東昏縣隸陳留郡也少時家貧好讀書有田三十畝獨與兄

伯居伯常耕田縱平使游學平為人長美色人或謂陳

平曰貧何食而肥若是其嫂嫉平之不視家生產曰亦

食糠覈耳徐廣曰覈音核駟案孟康曰麥糠中不破者也晉灼曰覈音紇京師謂鹿屑為紇頭有

叔如此不如無有伯聞之逐其婦而棄之及平長可娶

妻富人莫肯與者貧者平亦恥之久之戶牖富人張

負索隱曰按負是婦人老宿之稱猶武負之類也然此張負既稱富人或恐是文夫爾張負女孫

五嫁而夫輒死人莫敢娶平欲得之邑中有喪平貧待

喪以先往後罷為助張負既見之喪所濁視偉平平亦

以故後去負隨平至其家家乃負郭窮巷索隱曰高誘詳戰國策云

負背郭以弊席為門然門外多有長者車轍索隱曰一作軌按言

長者所乘安車與載進之卓轡或別張負歸謂其子仲曰吾欲以女孫

予陳平張仲曰平貧不事事一縣中盡笑其所為獨柰

何予女乎負曰人固有好美如陳平而長貧賤者乎卒

與女為平貧乃假貸幣以聘予酒肉之資以內婦負滅

其孫曰毋以貧故事人不謹事兄伯知事父事嫂如母

凡伯以逐其婦此嫂疑後娶也平既娶張氏女齊川益饒游道日廣里

中社平為宰索隱曰其里名庫上一里社者據蔡邕陳留東昏庫上里社碑云惟斯庫里古陽武之

瀟鄉陳平由此社宰遂相高社也分肉食甚均父老曰善陳孺子之為

宰平曰嗟乎使平得宰天下亦如是肉矣陳涉起而王

陳使周市略定魏地立魏咎為魏王與秦軍相攻於臨

濟陳平固已前謝其尤伯漢書音義曰謝語其兄往事魏從少年往事

魏王咎於臨濟魏王以為太僕說魏王不聽人或讒之

陳平亡去久之項羽略地至河上陳平往歸之從入破

秦賜平爵卿

張晏曰禮秩如卿不治事

項羽之東王彭城也漢王還

定三秦而東殷王反楚項羽乃以平為信武君將魏王

咎客在楚者以往擊降殷王而還項王使項得拜平為

都尉賜金二十鎰居無何漢王攻下殷王項王怒將誅

定殷者將吏陳平懼誅乃封其金與印使使歸項王而

平身閉行杖劔亡渡河船人見其美丈夫獨行疑其亡

將要中當有金玉寶器目之欲殺平平恐乃解衣裸而

佐刺船船人知其無有乃止平遂至脩武降漢

因魏無知求見漢王

索隱曰漢書張敬與朱邑書云陳平須魏情而後進孟康云即無知

漢上召入是時萬石君奮為漢王中涓

平謁人見平等七人俱進賜食王曰罷就舍矣平曰

臣為事來所言不可以過今日於是漢王與語而說之

問曰子之居楚何官曰為都尉是日乃拜平為都尉使

為參乘典護軍諸將盡謹

索隱曰謹謹也音謹又音慎漢書作皆怨

曰大王

一日得楚之亡卒未知其高下而即與同載反使監護

軍長者漢王聞之愈益幸平遂與東伐項王至彭城為

楚所敗引而還收散兵至滎陽以平為亞將屬於韓王

信軍廣武絳侯灌嬰等咸讒陳平曰平雖美丈夫如冠

王耳。其中未必有也。漢音義曰：餘冠以王。光好外見中非所言。臣聞平居

家時，盜其嫂事，魏不容，亡歸楚。歸楚不中，又亡歸漢。今

口大王尊官之令，護軍官聞平受諸將金，金多者得善

處，金少者得惡處。平反覆亂臣也。願王察之。漢王疑之，

召讓魏無知。無知曰：臣所言者，能也。陛下所問者，行也。

今有尾生孝己之行。如淳曰：孝己，高宗之了有孝行。而無益於勝負之

數。陛下何暇用之乎？楚漢相距，臣進奇謀之士，顧其計

誠足以利國家不耳。且盜嫂受金，又何足疑乎？漢王召

讓平曰：先生事魏不中，遂事楚而去。今又從吾游，信者

固多心乎？平曰：臣事魏王，魏王不能用臣說，故去。事項

王，項王不能信人，其所任愛，非諸將也。妻之昆弟，雖有

奇一，不能用。平乃去楚，聞漢王之能用人，故歸大王。臣

裸身來，不受金，無以為資。誠臣計畫有可采者，願大王

用之。使無可用者，金具在，請封輸官，得請骸骨。漢王乃

謝厚賜，拜為護軍中尉，盡護諸將。將乃不敢復言。其

後楚急攻絕漢用道，圍漢王於滎陽城父之。漢王患之，

請割滎陽以西以和。項王不聽。漢王謂陳平曰：天下紛

紛，何時定乎？陳平曰：項王為人恭敬愛人，士之廉節好

義，未有封爵之賞，而聽細人之說，誅有功之人，此所以

禮者多歸之。至於行功爵之重之。士亦以此不附。今大王慢而少禮。士靡節者不來。然大王能饒人以爵邑。士之頑。銳者利無取者。如淳曰。猶無廉隅。亦多歸漢。誠各去其兩短。襲其兩長。天下皆靡。則定矣。然大王恣侮人。不能得廉節之士。願楚有可亂者。彼項王骨鯁之臣。亞父鍾離昧。龍且。周殷之屬。不過數人耳。大王誠能出捐數萬斤金。行反間。問其君臣以疑其心。去王為人意思。信讒。必內相誅。漢因舉兵而攻之。破楚必矣。漢王以為然。乃出黃金四萬斤。與陳平。恣所為。不問其出入。陳平既多以

金縱反間於楚軍。宣言諸將鍾離昧等為項王將。功多矣。然而終不得裂地。而王欲與漢為一。以滅項氏。而分王其地。項羽果意不信。鍾離昧等項王既疑之。使使至漢。漢王為太牢具。舉進。見楚使。即佯驚曰。吾以為亞父使。乃項王使。復持去。更以惡草具進楚使。漢書音義曰。草粗也。○索隱曰。戰國策云。食馬。誤以草具。如淳云。藁草。鹿惡之具也。楚使歸。具以報項王。項王果大疑亞父。亞父欲急攻下。滎陽城。項王不信。不肯聽。亞父聞項王疑之。乃怒曰。天下事大定矣。君王自為之。願請骸骨歸。歸未至彭城。疽發背而死。陳平乃夜出女

史記卷之第五十六  
世家五十六  
五  
敬



下二千人榮陽城東門楚因擊之陳平乃與漢王從城西門夜出去遂入關收散兵復東其明年淮陰侯破齊自立為齊王使使言之漢王漢王大怒而罵陳平躡漢漢書音義曰躡謂躡漢王足土亦悟乃厚遇齊使使張子房卒立信為齊王封平以戶牖鄉用其奇計策卒滅楚當以護軍中尉從定燕王臧荼漢六年人有上書告楚王韓信反高帝問諸將諸將曰亟發兵坑豎子耳高帝默然問陳平平固辭謝曰諸將云何上具告之陳平曰人之上書言信反有知之者乎曰未有曰信知之乎曰不知

陳平曰陛下精兵孰與楚上曰不能過平曰陛下將用兵有能過韓信者乎上曰莫及也平曰今兵不如楚精而將不能及而舉兵攻之見趣之戰也竊為陛下危之上曰為之奈何平曰古者天子巡狩會諸侯南方有雲夢陛下第出偽游雲夢索隱曰蘇林云第且也會諸侯於陳陳楚之西界正義曰陳今陳州也韓信都彭城魏楚王故陳州為楚西界也信聞天子以好出游其勢必無事而郊迎謁謁而陛下因擒之此持一力士之事耳高帝久為然乃發使告諸侯會陳吾將南游雲夢上因適以行行未至陳楚王信果郊迎道中高

帝身具武士。見信至，即執縛之。載後車，信呼曰：「天下已

定，我固當烹。」高帝顧謂信曰：「若毋聲，而反明矣。」武士反

接之。漢書音義曰：反縛其手。遂會諸侯于陳，盡定楚地，還至雒陽。

赦信以為淮陰侯，而與功臣剖符定封。於是與平剖符。

世世勿絕，為戶牖侯。平辭曰：「此非臣之功也。」上曰：「吾用

先生謀計，戰勝剋敵，非功而何？」平曰：「非魏無知，臣安得

進？」上曰：「若子可謂不背本矣。」乃復賞魏無知其明年，以

護軍中尉從攻反者。韓王信於代，卒至平城，為匈奴所

圍。七日不得食，高帝用陳平奇計，使單于闕氏。蘇林曰：闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

闕氏音

室甚大，曰：「壯哉縣，吾行天下，獨見洛陽與是耳。」顧問御

過曲逆。地理志：縣屬中山也。○索隱：上其城，望見其屋。

音義：應劭說此事大旨與桓論畧同，不知是應高帝南

性必增惡而事去之，此說簡而妻及得其用，則欲使神

怪故隱匿不泄也。劉子駿聞吾言，乃立稱善焉。按漢書

全取桓論或別有所聞乎？今觀桓論以本無說。

為支如聞以得開，高帝既出其計，世莫得聞。

漢皇后

陳平為高帝解平城之圍，則言其事，必世莫得聞也。

此以工妙蹕善，故藏惡不傳，馬子能權知斯事，吾應

之曰：此策乃反薄陋，拙惡故隱而不泄。高帝見圍七日

而陳平往說，闕氏言於單于，而出之以是知其所

用說之事矣。彼陳平必言漢有好麗美女為道，其容貌

天下無有，今困急已馳使歸迎，取欲進與單于，單于見

此人必大好愛之，愛之則闕氏日以遠，疎不如及其未

到，令漢得脫去，去亦不持女來矣。闕氏婦女有妬妬之

性，必增惡而事去之，此說簡而妻及得其用，則欲使神

怪故隱匿不泄也。劉子駿聞吾言，乃立稱善焉。按漢書

全取桓論或別有所聞乎？今觀桓論以本無說。

史曰。曲逆戶口幾何。對曰。始秦時三萬餘戶。間者兵數起。多亡匿。今見五千戶。於是乃詔御史更以陳平爲曲逆侯。盡食之。除前所食戶牖。其後常以護軍中尉從攻陳豨。父黥布。凡六出奇計。輒益邑。凡六益封。奇計或頗祕。世莫能聞也。高帝從破布軍還。病創。徐行至長安。燕王盧綰反。上使樊噲以相國將兵攻之。既行。人有短惡噲者。高帝怒曰。噲見吾病。乃冀我死也。用陳平謀。而召絳侯周勃。受詔牀下曰。陳平亟馳傳載勃代噲將。平至軍中。即斬噲頭。二人既受詔。馳傳未至軍。行計之曰。樊

噲。帝之故人也。功多。且又乃呂后弟呂頹之夫。有親且貴。帝以忿怒故欲斬之。則恐後悔。寧囚而致上。上自誅之。未至軍。爲壇以節。乃樊噲受詔。即反。接載檻車。傳詣長安。而令絳侯勃代將。將兵定燕反縣。平行聞高帝崩。平恐呂太后及呂頹讒怒。乃馳傳先去。逢使者詔平與灌嬰屯於滎陽。平受詔。立復馳至宮。哭甚哀。因奏事喪前。呂太后哀之曰。君勞出休矣。平畏讒之就。因固請得宿衛中。太后乃以爲郎中令。曰。傳教孝惠。如淳曰。傳相之傳也。是後呂頹讒乃不得行。樊噲至。則赦復爵邑。孝惠帝六

年相國曹參卒。以安國侯王陵為右丞相。

徐廣曰：王陵以客從起豐。

以既將別守豐上東，因從戰不利，奉孝惠魯元出睢水中，封為雍侯。高祖八年定食安國，二十二年卒，謚武侯。

至玄孫坐酎金國除。陳平為左丞相。王陵者，故沛人，始為縣豪。高

祖微時，兄事陵。陵少文，任氣，好直言。及高祖起沛，入至

咸陽，陵亦自聚黨數千人，居南陽，不肯從沛公。及漢王

之還攻項籍，陵乃以兵屬漢。項羽取陵母置軍中。陵使

至，則東鄉坐，陵母欲以招陵。陵母既私送使者，泣曰：「為

老妾語陵，謹事漢王，漢王長者也，無以老妾故持二心。

妾以死送使者，遂伏劍而死。」項王怒，烹陵母。陵卒從漢。

王定天下，以善雍齒。雍齒，高帝之仇，而陵本無意從高

帝。以故晚封為安國侯。安國侯既為右丞相，二歲孝惠

帝崩，高后欲立諸呂為王，問王陵。王陵曰：「不可。」問陳平。

陳平曰：「可。」呂太后怒，乃佯遷陵為帝太傅，實不用陵。陵

怒，謝疾免。杜門，竟不朝請。七年而卒。陵之免丞相，呂太

后乃徙平為右丞相，以辟陽侯審食其為左丞相，左丞


相不治，常給事於中。孟康曰：不在治處，梗止官中也。食其亦沛人。漢王

之敗彭城西，楚取太上皇、呂后為質，食其以舍人侍呂

后。其後從破項籍為侯，幸於呂太后，及為相，居中，百官

皆因決事。呂頹常以前陳平為高帝謀執樊噲。數讒曰：陳平為相，非治事。日飲醇酒，戲婦女。陳平聞，日益甚。呂太后聞之，私獨喜，面質呂頹於陳平曰：鄙語曰：兒婦人口不可用。顧君與我何如耳。無畏呂頹之讒也。呂太后立諸呂為王，陳平偽聽之。及呂太后崩，平與太尉勃合謀，卒誅諸呂。立孝文皇帝。陳平本謀也。審食其免相。徐廣曰：審食其初以舍人起，侍呂后。孝惠帝於沛，又從在楚封二十五年。文帝三年死，子平代。二十二年，景帝三年坐謀反，國除。一本云：食其免後三歲為淮南王所殺。文帝令其子平嗣侯。菑川王反，辟陽近菑川，平得之國除。孝文帝立，以為太尉勃，親以兵誅呂氏。功多，陳平欲

讓勃尊位，乃病謝。孝文帝初立，怪平病，問之。平曰：高祖時，勃功不如臣平，及誅諸呂，臣功亦不如勃。願以右丞相讓勃。於是孝文帝乃以絳侯勃為右丞相，位次第一。平徙為左丞相，位次第二。賜平金十斤，益封三千戶。居頃之，孝文皇帝既益明習國家事，朝而問右丞相勃曰：天下一歲，決獄幾何？勃謝曰：不知。問天下一歲，錢穀出入幾何？勃又謝不知。汗出沾背，愧不能對。於是上亦問左丞相平。平曰：有主者。上曰：主者謂誰？平曰：陛下即問決獄，責廷尉；問錢穀，責治粟內史。上曰：苟各有主者而



君所主者何事也平謝曰主臣

張晏曰若令人謝曰惶

怯見之莫不主臣孟康曰主臣主羣臣也若今言人主也韋昭曰言主臣道不敢欺也○索隱曰蘇林與孟康同既古人所未了故並有兩解陛下不知其驚下使待罪宰相宰相者

上佐天子理陰陽順四時下育萬物之宜外鎮撫四夷

諸侯內親附百姓使卿大夫各得任其職焉孝文帝乃

稱善右丞相大慙出而讓陳平曰君獨不素教我對陳

平笑曰君居其位不知其任邪且陛下即問長安中盜

賊數漢書音義曰頃數也君欲彊對邪於是絳侯自知其能不如

平遠矣居頃之絳侯謝病請免相陳平專為丞相孝

文帝二年丞相陳平卒謚為獻侯子共侯買代侯一年

卒子簡侯恢代侯二十三年卒子何代侯二十三年何

坐略人妻棄市國除始陳平曰我多陰謀是道家之所

禁吾世即廢亦已矣終不能復起以吾多陰禍也然其

後曾孫陳掌以衛氏親貴戚願得續封陳氏然終不得

徐廣曰陳掌者衛青之子婿

太史公曰陳丞相平少時本好黃帝老子之術方其宮

肉俎上之時其意固已遠矣傾側擾攘楚魏之間卒歸

高帝常出奇計救紛糾之難振國家之患及呂后時事

文與

多故矣。外平竟自脫。定宗廟。以榮名終。稱賢相。豈不善始善終哉。非知謀孰能當此者乎。

索隱述贊曰

曲逆窮巷 門多長者 宰肉先均 佐喪後罷  
魏楚更用 腹心難假 棄印封金 刺船露裸  
間行歸漢 委質麾下 策陽計全 平城圍解  
推陵讓勃 哀多益寡 應變合權 克定宗社

陳丞相世家第二十六終

史記五十六

絳侯周勃世家第二十七

史記五十七

絳侯周勃者沛人也。其先卷人。

卷縣在滎陽。索隱曰。章昭云屬河南地理志。

亦然。然則後置滎陽郡而卷隸焉。

音丘。玄反。字林音丘。權反。徙沛。勃以織薄曲為生。

索隱曰。謂勃本以織蠶薄為生業也。韋昭云。北方謂薄為曲。許慎註。滌高云。曲葦薄也。

常為人吹

簫給喪事。

索隱曰。左傳歌虞殯。猶今挽歌類也。歌者或有簫管。

材官引彊。漢書音義曰。能

引彊。弓官如。今挽彊。同馬也。

高祖之為沛公。初起。勃以中涓從攻胡

陵。下方與方與反。與戰却。適攻豐。擊秦軍。碭東還軍。留及蕭。復攻碭。破之。下下邑。先登。賜爵五大夫。攻蒙。虞取

之。索隱曰。二縣名。地理志屬梁國。

擊章邯車騎殿。

服虔曰。畧得殿兵也。如淳曰。殿不進也。瓚

云叙戰  
與曹樊  
等例  
成公語曰  
與曹樊  
等例

史記卷之五十七  
世家第二十七  
史記五十七

曰在軍後曰殿孫檢曰一說上功曰最下功曰殿戰功

曰多周勃事中有此三品與諸將俱計功則曰殿最獨

捷則曰多多定魏地攻爰戚東緡索隱曰小顏音昏非

義見周禮緡縣音晏然則戶牖之為東緡音昏是屬陳留者音昏屬山陽者音晏也

曰括地志云收齧桑先登索隱曰徐氏云擊秦軍阿下

破之索隱曰謂追至濮陽下甄城攻都關索隱曰地理

定陶襲取宛朐正義曰宛劬二音今弗得單父令夜

襲取臨濟攻張漢書音義曰攻壽張○索隱曰地以前

卷破之擊李由軍雍丘下攻開封先至城下為多文

後章邯破殺項梁沛公與百

引兵東如碭自初起沛還至碭一歲二月索隱曰謂初

碭得一歲又楚懷王封沛公號安武侯為碭郡長沛公

拜勃為虎賁令索隱曰漢書云襲賁令賁音肥縣名屬

以令從沛公定魏地攻東郡尉於城武破之擊王離軍

破之攻長社先登攻潁陽緱氏絕河津正義曰即古平

陽縣東北擊趙賁軍尸北索隱曰賁音肥人姓名也尸

之南攻南陽守齧破武關峽關破秦軍於藍田至咸陽

滅秦項羽至以沛公為漢王漢王賜勃爵為威武侯索

曰或是封號隱未必縣名也從入漢中拜為將軍還定三秦至秦賜食

思太

史記卷之第五十二

史記卷之第五十二

史記卷之第五十二

史記卷之第五十二

史記卷之第五十二

史記卷之第五十二

史記卷之第五十二

史記卷之第五十二

史記卷之第五十二



邑懷德正義曰括地志云懷德故城在同州朝邑縣西南四十二里攻槐里好時最

如淳曰於將率之中功為最○擊趙賁內史保於咸陽

最北攻漆索隱曰地理志漆縣在右扶風○擊章平姚

印軍索隱曰印音五西定汧正義曰汧源縣本漢汧縣也還

下郿頻陽索隱曰地理志郿屬右馮翊也圍章邯廢丘索隱曰

槐里周曰大丘謚王都之秦更名廢以高祖三年更名

槐里而此云槐里者槐里據後而書之云廢丘者以

章邯本都廢丘而破西丞正義曰括地志云西縣故城

亡亦據舊書之在秦州上邽縣西南九十里

本漢西縣地擊盜巴軍破之如淳曰攻上邽正義曰

破西縣丞也東守曉關轉擊項籍攻曲逆最還守敖倉追項籍

已死因東定楚地泗川東海郡九得二十二縣還守維

陽櫟陽賜與潁陰侯共食鍾離索隱曰地理志縣名屬

義曰括地志云潁陰故城在陳州南頓縣正以將軍從高

西北鍾離故城在濠州鍾離縣東比五里

帝擊反者燕王臧荼破之易下索隱曰茶如字讀易水

破荼軍於易水所將卒當馳道為多索隱曰小顏以當

之下言近水也高祖所行之道或

以馳道為秦之馳道故賈山賜爵列侯剖符世世勿絕

傳云秦為馳道東窮燕齊城漢絳縣在絳州西沃

食絳八千一百八十戶號絳侯正義曰括地志云絳邑

縣南二里或以為以將軍從高帝擊反韓王信於代降

秦之舊馳道也索隱曰蕭該云左傳以偁賜子歸納諸霍人杜

下霍入預云晉邑也或作霍○正義曰霍音瑣又音蘇

史記卷之第五十一 世家三十一 五百年

王生

史官考之卷三十一 世家三十一 五音

寡反類師古云音山寡反按霍字當作後地理志云後

漢後人縣也按樊噲列以前至武泉徐廣曰屬雲中

武泉故城在朔州正義曰括地志云擊胡騎破之武泉北轉攻韓信軍銅

鞮破之正義曰括地志云銅鞮故城還降太原六城正義

曰并州縣從銅鞮擊韓信胡騎晉陽下破之下晉陽後

擊韓信軍於若石破之應劭曰若音沙或曰地名○索

按在樓煩正義曰地理志云樓煩三城在鴈門郡所將卒當馳

追北八十里還攻樓煩三城因擊胡騎平城

近為多勃遷為太尉擊陳豨屠馬邑所將卒斬豨將軍

乘馬豨徐廣曰姓乘馬○索隱曰豨名也乘音始證反擊韓信陳豨趙利軍於

樓煩破之得豨將宋最鴈門守函索隱曰函守之因轉

攻得雲中守邀索隱曰音速○正義曰括地志云雲中

中丞相箕肆將勳徐廣曰箕一作莫勳一作專一作轉

反漢音勳亦作定鴈門郡十七縣雲中郡十二縣因復

擊豨靈丘破之正義曰括地志云靈丘故城在斬豨得

豨丞相程縱將軍陳武都尉高肆定代郡九縣燕王盧

縮反勃以相國代樊噲將擊下薊得縮大將抵丞相偃

守陘張晏曰盧縮太尉弱御史大夫施屠渾都徐廣曰

郡守陘其名

索隱曰施名也。屠滅之也。地理志：渾都縣屬上谷。一云：御史大夫姓施，屠名渾都。正義曰：括地志云：幽州昌

平縣本漢破綰軍上蘭。正義曰：括地志云：媯州懷戎。復

擊破綰軍沮陽。正義曰：括地志云：上谷郡故城在媯州。懷戎縣東北百一十里。燕上谷秦因不

改漢為沮陽縣。追至長城。正義曰：即馬邑長城亦名。定上谷十

一縣。右北平十六縣。遼西遼東二十九縣。漁陽二十二

縣。最從高帝。索隱曰：最都九也。謂摠舉其得相國一人。

丞相二人。將軍二千石各三人。別破軍二。下城三。定郡

五。縣七十九。得丞相大將各一人。勃為人木彊敦厚。高

帝以為可屬大事。勃不好文學。每召諸生說士。東鄉坐

而責之。如淳曰：勃自東鄉坐責諸。趣為我語。其推少文

如此。讚曰：今直言勿稱經書也。韋昭曰：惟下。梏曲直。至

勃既定燕而歸。高祖已崩矣。以列侯事孝惠帝。孝惠帝

六年。置太尉官。徐廣曰：功臣表及將相表。若高后四年

十歲。高后崩。按孝惠六年。高后八年崩。是十年耳。以勃

而功臣表及將相表云：高后四年置太尉官。未詳。以勃

為太尉。十歲。高后崩。呂祿以趙王為漢上將軍。呂產以

呂王為漢相國。秉漢權。欲危劉氏。勃為太尉。不得入軍

門。陳平為丞相。不得任事。於是勃與平謀。卒誅諸呂。而

立孝文皇帝。其語在呂后孝文事中。文帝既立。以勃為

右丞相賜金五千斤。食邑萬戶。居月餘。人或說勃曰。君  
既誅呂氏。立代王。威震天下。而君受厚賞。處尊位。以寵  
久之。即禍及身矣。勃懼。亦自危。乃謝請歸相印。上許之。  
歲餘。丞相平卒。上復以勃為丞相。十餘月。上曰。前日吾  
詔列侯就國。或未能行。丞相吾所重。其率先之。乃免相  
就國。歲餘。每河東守尉行縣至絳。絳侯勃自畏。恐誅常  
被甲。令家人持兵以見之。其後人有上書告勃欲反。下  
廷尉。廷尉下其事長安。逮捕勃治之。勃恐。不知置辭。吏  
稍侵辱之。勃以千金與獄吏。獄吏乃書牘背示之。

所執簿。索隱曰。簿即牘也。故魏志  
秦宓以簿擊頗。則亦簡牘之類也。曰。以公主為證。公

主者。孝文帝女也。勃太子勝之尚之。韋昭曰。尚奉  
也。不敢言娶。故獄

吏教引為證。勃之益封受賜。盡以予薄昭。及擊急。薄昭

為言薄太后。太后亦以為無反事。文帝朝。太后以冒絮

提文帝。徐廣曰。提音弟。駙案應劭曰。陌額絮也。如淳曰  
太后恚怒。遭得左右物提之也。晉灼曰。巴蜀異

物志謂頭上巾為冒絮。○索隱曰。服虔云。綸絮也。提音  
弟。又音帝。非也。蕭該音底。提者擲也。蕭音為。得恚者。噴

也。遭者。逢也。謂太后噴乃逢。冒絮。因以提帝。陌音  
也。陌之陌。入聲。方言云。儻中南楚之間云。陌額也。曰。絳

侯綰皇帝璽。應劭曰。言勃誅諸呂。廢少帝手。將兵於北  
貫璽時。尚不反。况今更有異乎。將兵於北

軍。不以此時反。今居一小縣。顧欲反邪。文帝既見絳侯

史記卷之九十七 世家第七十七 五十五

獄辭乃謝曰。吏事方驗而出之。於是使使持節赦絳侯。復爵邑。絳侯既出曰。吾嘗將百萬軍。然安知獄吏之貴乎。絳侯復就國。孝文帝十一年卒。謚為武侯。子勝之代

侯。六歲尚公主不相中。知淳曰。猶言不相合當也。坐殺人國除絕。一

歲文帝乃擇絳侯子賢者。河內守亞夫封為條侯。徐

曰表皆作條字。馭案。張虔曰。條音條。○正義曰。括地志云。故條城俗名南條城。在德州條縣南十二里。漢縣

續絳侯後。條侯亞夫自未侯為河內守時。許負相之。索

曰。應劭云。負。河內溫人。老嫗也。姚氏按。楚漢春秋。高祖封負為鳴鳩亭侯。是知婦人亦有封邑。曰。君後

二歲而侯。侯八歲為將相。持國秉索隱曰。音柄。責重矣。於人

臣無兩。其後九歲而君餓死。亞夫笑曰。臣之兄已代父

侯矣。有如卒。子當代。亞夫何說侯乎。然既已貴如負言。

又何說餓死。指示我許負。指其口曰。有從理入口。索隱曰。從

音子。容。乃。此餓死法也。居二歲其兄絳侯勝之有罪。孝

文帝擇絳侯子賢者。皆推亞夫。乃封亞夫為條侯。續絳

侯後。文帝之後六年。匈奴大入邊。乃以宗正劉禮為將

軍。軍霸上。正義曰。廟記云。霸陵即霸上。按霸陵祝茲侯

徐厲為將軍。軍棘門。正義曰。孟康云。秦時宮也。括地志云。棘門在渭北十餘里。秦王門名

也。以河內守亞夫為將軍。軍細柳。正義曰。括地志云。細柳倉在雍州咸陽縣

元採

西南二以備胡。上自勞軍。至霸上。及棘門。軍直馳入。將

以下。騎送迎。已而之細柳。軍士吏披甲。銳兵刃。設

弩持滿。索隱曰。設者張也。天子先驅至。不得入。先驅曰。天子且

至。軍門都尉曰。將軍令曰。軍中聞將軍令。不聞天子之

詔。索隱曰。六韜云。軍中之事。不聞君命。居無何。上至。又不得入。於是上乃

使使持節詔將軍。吾欲入勞軍。亞夫乃傳言開壁門。壁

門士吏謂從屬車騎曰。將軍約軍中不得驅馳。於是天

子乃按轡徐行。至營。將軍亞夫持兵揖曰。介冑之士不

拜。請以軍禮見。應劭曰。禮介者不拜。索隱曰。應劭云。左傳。晉卻克三肅使。者而退。杜預注。書

若今。禮射。衆注。周禮。肅拜。天子為動。改容式車。索隱曰。云。但俯下。于今。時。禮。是。執者。車。

前。橫木。若。上。有。敬。使人稱謝。皇帝敬勞將軍。成禮而去。則俯身而憑之。

既出軍門。羣臣皆驚。文帝曰。嗟乎。此真將軍矣。曩者霸

上棘門軍。若兒戲耳。其將固可襲而虜也。至於亞夫。可

得而犯邪。稱善者久之。月餘。三軍皆罷。乃拜亞夫為中

尉。正義曰。漢書百官表云。中尉。秦官。掌劾巡京師。武帝初元。年。更名執金吾。應劭云。吾者。禦也。掌執金吾

以禦非常。煩師古云。金吾鳥名。上辟不祥。天子出行。職主先導。以備非常。故執此鳥之象。因以名官也。孝

文。口崩時。誡太子曰。即有緩急。周亞夫真可任將兵。文

帝崩。拜亞夫為車騎將軍。孝景二年。吳楚反。亞夫以中

類漢六以  
深委之絕  
其糧道白  
是兩事妙  
在象淨

尉為太尉。正義曰漢書百官表云太尉秦官掌武元符

及兵部。東擊吳楚。因自請上曰。楚兵剽輕。索隱曰漢書

問都都尉為畫此計亞夫從之今此云自請者蓋此亦

難與爭鋒。願以梁委之。索隱曰謂以梁委之於吳使吳

絕其糧道。乃可制。上許之。太尉既會兵滎陽。吳方攻梁。

梁急請救。太尉引兵東北走昌邑。深壁而守。梁日使使

請太尉。太尉守便宜不肯往。梁上書言景帝。景帝使使

詔救梁。太尉不奉詔。堅壁不出。而使輕騎兵弓高侯等

索隱曰韓頰當也。正義曰高滄州縣也。絕吳楚兵後食道。吳兵乏糧。饑

數劬挑戰。終不出。夜軍中驚。內相攻擊。擾亂至於入尉

帳下。太尉終卧不起。頃之復定。後吳奔壁東南陬。如厚

隅也。索隱曰奇鄰又音子侯反。太尉使備西北。而其精兵果奔西

北。不得入。吳兵既餓。乃引而去。太尉出精兵追擊。大破

之。吳王濞奔其軍。而與壯士數千入。走保於江南丹

徒。正義曰括地志云丹徒故城在潤州丹徒縣東南十

越人殺之。漢兵因乘勝。遂盡賁之。降其兵。購吳王千金

月餘。越人斬吳王頭以告。九相攻守三月。而吳楚破平。

正義曰越人即丹徒人。越滅吳。丹徒地屬楚。秦滅楚。後

置三郡。丹徒縣屬會稽郡。故以丹徒為越人也。

於是諸將乃以太尉計謀為是。由此梁孝王與太尉有  
郤。歸復置太尉官。九歲遷為丞相。景帝甚重之。景帝廢  
柴太。丞相因爭之不得。景帝由此疏之。而梁孝王母  
朝常與太后言條侯之短。竇太后曰：「皇后兄王信可侯  
也。」景帝讓曰：「始南皮章武侯。」贊曰：南皮章武侯，祖太后兄。  
先帝不侯，及臣即位，乃侯之。信未得封也。竇太后曰：「人  
主各以時行耳。」索隱曰：謂人主各當其時而行事，不  
必一相法也。正義人二作人生。自  
竇長君在時，竟不封侯。死後乃封其子彭祖。顧得侯。索隱  
曰：許慎注：非南。吾甚恨之。帝趣侯信也。景帝曰：請得與  
手云顧反也。

無功  
非約  
細語  
夫為  
不為  
成亞  
真中

丞相議之。丞相議之。亞夫曰：「高皇帝約非劉氏不得王，  
非有功不得侯。不如約天下共擊之。今信雖皇后兄，無  
功侯之，非約也。」景帝默然，而止。其後匈奴下，徐盧等五  
人降。景帝欲用之，以歡後。丞相亞夫曰：「彼背其上，降陛  
下。陛下侯之，何以責人？臣不守節者乎？」景帝曰：「丞相  
議不可用。」乃悉封徐盧等為列侯。索隱曰：功臣表：唯亞  
夫因謝病，景帝中三年，以病免。相頃之，景帝居禁中，召  
條侯賜食，獨坐大蔽。韋昭曰：蔽，大齋也。音側夷反。無  
切肉。又不置饗。條侯心不平。顧謂尚席取楮。應劭曰：尚  
席，主席者。

史記卷之第五十二  
世家二十一



索隱曰顧氏說其服雜事云尚帝掌武帳惟慢也褚晉劾漢書作箸箸者食所用也景帝視而笑

曰此非不足君所乎孟康曰設裁無筋者此非不足滿於君所乎嫌恨之如淳曰非故不

也足君之食只條侯免冠謝上起條侯因趨出景帝以目

送之曰此快快者非少主臣也居無何條侯子為父買

工官尚方徐廣曰工所作物屬尚方故云工官尚方甲楯

五百被徐廣曰音披駟緊如淳曰工官官名也張晏曰被兵也五百具甲楯可以葬者取

庸苦之不予錢庸知其盜買縣官器索隱曰縣官謂天子也所以謂國家

為縣官者夏家三畿大縣即國都也王者宮下故曰縣官也怒而上變告子事連汗

條侯索隱曰一音烏故一及書既聞上上下下吏吏簿責條侯如淳曰簿問責

其條侯不對景帝罵之曰吾不用也孟康曰不用汝對欲殺之也如淳曰

恐獄吏畏其復用事不敢折辱召詣廷尉止義曰景帝見條侯不對簿因責罵之曰吾不任用汝也

故召詣廷尉使重刑廷尉責曰君侯欲反耶亞夫曰臣

所買器乃葬器也何謂反邪吏曰君侯縱不反地上即

欲反地下耳吏侵之益急初吏捕條侯條侯欲自殺夫

人止之以故不得死遂入廷尉因不食五日嘔血而死

國除絕一歲景帝乃更封絳侯勃他子堅為平曲侯續

絳侯後十九年卒謚為共侯子建德代侯十三年為太

子太傅坐酎金不善元鼎五年有罪國除徐廣曰諸列侯坐酎金失

慎去足已  
不學齊終  
侯守節不  
終以困窮  
能對錢穀  
之問條侯  
不能平以  
內望其之  
威或辱廷  
尉或喧血  
牙皆所謂  
困窮也

侯者皆在元鼎五年此辭句如有顛倒。索隱曰紀云坐酎金不善復云元鼎五年有罪國除似重有罪故云顛倒而漢書云為太子太傅坐酎金免官後有罪國除其文又錯也按表坐免官至元鼎五年坐酎金又失侯所以二史記條侯果餓死死後景帝乃封王信為蓋之各有不同也

太史公曰絳侯周勃始為布衣時鄙朴人也才能不過

凡庸及從高祖定天下在將相位諸呂欲作亂勃匡國

家難復之平正雖伊尹周公何以加哉亞夫之用兵持

威重執堅刃穰苴曷有加焉足已而不學索隱曰亞夫

謀足而虛已不學古文所謂不體權變而動有違忤守節不遜索隱曰守節謂爭

徐盧等不遜謂顧尚府終以窮困悲夫取箸不對制獄是也

一索隱述贊曰

絳侯佐漢 質厚敦篤 始擊礪東


亦圍尸北 所攻必取 所討咸克

陳豨伏誅 臧荼破國 事居送往

推功伏德 列侯就第 太尉下獄

繼相條侯 紹封平曲 惜哉賢將


父子代辱



文德堂

全生

中侯周勃世家第二十七終 史記五十七



史記卷五十七 中侯周勃世家第二十七終

